





椿巖公四十壽詩

上海市歷史文獻圖書館藏

朱

杏

僕自歲癸酉千里歸枯蒼相邀處講席閣啟古梅香

館樓即古小梁公香梅閣

賓主聯八載感君契不常禮待忠且敬推敲句其商饋嘗知所嗜

珍每約偕嘗隨游招買飲遇客解腰囊制行持淵默修詞寡飾裝

時言而樂笑多於逢酣觴幼年精游藝冠名童子場優孟腐儒學

恥受名利縑小軒顏靜可何如任徜徉種蕙花盈幹

君栽蕙蘭一盆歲得數十

幹花幽情欲與芳開蓮占一品

君家蓮本一幹三花名品字蓮

預兆門庭光嘯歌適

吾性子平願半償放懷惟有酒滄海難斗量對酌雙眉展看盃引

興長不辭百壺罄日醉且無妨元宵前二日初度慶日強子二挺

階玉婿三羨東牀獻詩滿耆宿賀客萃冠裳世稱壽翁福莫漫誇

汾陽

又

陳沂

人生重期頤惟壽先五福四秩喜開筵一星輝炳煜壯志激青雲
豪情撲塵俗宏餘射策才小試穿楊鏃貴自著簪纓素仍耽卷軸
怡情水石間精廬成小築藝蘭並藝芸種松先種竹雅意樂恬愉
名場謝徵逐何處有仙源此間是盤谷勝日共稱觴恰當梅蕊馥
朱履映青樽錦衣交彩服繞膝榮珠樹繽紛發芳郁藝林秀茁姿
泮芹應樂育春氣集庭階休祥覘和穆介壽更徵詩連篇成珠玉
登堂進一卮並附添籌祝

又

蔡瑩
笠巖

締交非一日日久交更深花朝與月夜把臂共談心時或斟醴綠
聊以滌煩襟拇戰多豪興含杯嫌淺斟陶然忘名利放懷空古今
意得人莫知密咏復恬吟恍遊羲皇世荏苒度光陰四十日強仕
屈指期已臨兒女皆歡舞獻酒會知音恰喜開筵日春色滿園林

又

胡鑑藕灣

壽翁椽筆輝星斗童試曾領明州袖壯年尤癖嗜詩酒詩鈞下鈞
成百首設想不落腐儒舊竹林隊裏訂品友元年元月觴強壽來
秋還顯掄元手

又

羅棠省齋

人生四十不言壽四十如君殆天授立志不與儕俗同少壯頓改

門庭舊景仰風標已有年相與神交有夙緣今春喜值君揆旦琳
琅滿幅列羣仙媿我俚言羞相贈惟願爲我傾耳聽詩書之樂樂
無窮森森玉樹正相稱稱觴上壽爲君壽恬淡之人應自有主人
聞之欣三復應笑吾言工於祝從今杖履正逍遙天錫遐齡集四
福

又

周世翰

華生弱冠從予遊英姿卓犖鸞鳳儔讀書養氣知務本循循矩矱
承箕裘高堂洗腆有餘慶不須遠賈牽車牛樸誠淳慤本天賦聲
華靡麗無他求行年四十開詩讌北海之客多風流陽春白雪和
者眾梅花一逕香暗浮吾廬正復對衡宇衝寒策杖探清幽森森

古柏綠依舊猶憶高歌獨倚樓莫嗟此老興不淺當筵醞綠泛新
筍佳序况逢試燈節飛觴醉月相唱酬更喜甯馨早延譽芝蘭玉
樹盈芳洲周旋中規折中矩彬彬儒雅徵貽謀古稱孝友亦爲政
只今強仕富春秋養成羽翮凌霄漢未許東山娛一邱

又

趙師曹

笛樓

堯年始今歲羣品待甄陶人物南中盛天文北斗高公先真帝子
我本舊仙曹正有高堂宴詩懷起舊豪 正月今欲半蘭交聚北
堂風華飄領袖星斗煥文章壽獻金莖露歌迎竹葉觴金吾不禁
夜園寢瑞煙長 君是何年隱苔青永巷幽香和丹地煖歡洽羽
觴浮自有居家樂心緣啟沃留雖然在城市長與赤松遊 桃熟

三千歲丹飛六一泥蘭肴陳綺席瓊碗列瑤箋有德光終發無才
筆漫提近聞開壽讌聊且續新題

又

林大諤

梅花香裏壽筵開數十年前舊雨來祇爲岡陵詩競祝卻教砌里
首重回聞君強仕朱顏沃顧我衰殘白髮催擬欲登堂問游釣不
堪朱履其追陪 天啟三陽景物韶懸弧佳節近元宵未觴北海
先烹韭欲頌南山且握椒紅樹客翻詞句麗黑頭公享歲華饒椿
護茂蔭芝蘭秀同住春風一樣嬌

又

馬士龍

四十欣當強仕年似君高尙更超然忘機已受長生術樂酒還全

上界仙人貯玉堂華舞萼書傳金母鳥啣箋自慚身外牽纓冕未
勝丹邱歲八千金燈銀燭煥春光十二屏開錦繡張瑤圃雙棲
珠樹鶴玉階並舞綵衣郎欣瞻壽色松含古卻羨英姿鬢未蒼此
日霞觴齊慶處廣庭仙樂奏霓裳

又

徐琮

譜訂安絃企職方蘭芽奕葉吐幽香伫看聲赫成三賦莫遣鬢霜
學二郎室滿雙挑金作穴欄回九曲玉爲堂風流不讓滁州守引
得賓朋醉羽觴華堂一片度笙歌徧地春回意若何蕘酒飛觴
裁碧玉探梅譜曲唱紅羅緇衣夙好鴻章滿斑綵頻添鶴算多漫
說元宵燈月朗壽星輝耀更融和

又

徐璟 詠臺

五雲樓閣鬱嶙峋近德門高洽比鄰強仕年華廊廟器謫仙風度
澗槃身春浮竹葉開清讌香繞梅花寄夙因絳蠟亭亭輝四壁好
隨燈月慶芳辰

又

范上組 纓雲

雲霞憶昔鎮相於四十笙歌慶有餘介壽正當迎歲後開筵剛是
試燈初遙知雅會銜杯樂自笑長安索米居好譜鶴南飛一曲碧
波迢遞託雙魚

又

余文統 蛻菴

華閣風來正試燈銀花火樹慶生申掌中詠絮三珠蚌膝下編芸

兩石麟小築騷壇追擊鉢大開麴壘愛投輪蓬壺仙福眞消受風
月年年作主人

又

呂溶

南極星輝不夜天聚奎巷裏敞瓊筵人當強仕年方富國號長春
醉亦仙恰喜萊衣慶爛若且攜朋酒共陶然爲傳落拓雲溪友好
讀新詩介壽篇

又

徐璠

竹餘

梅花香裏綺筵開青鳥徵詩到玉臺復旦光華新甲子東風門巷
小蓬萊一庭明月飛觴滿四座陽春碎錦裁堪羨地行仙最樂園
林清趣任徘徊

又

陳濂

西耕

甬江華胄最翩翩儒雅風流邁昔賢興到書臨逸少帖閒來詩詠
杜陵篇訂交夙愛金蘭友暢飲長開玳瑁筵四十日強知未艾稱
觥介壽洞中天

又

徐爲煦

筭巖

瀟灑宵襟迥軼倫不雕不琢見天真聊因賦物揮毫捷偶遇怡情
把盞頻紀甲剛逢強仕歲按時恰近上元辰堦前玉樹雙枝秀舞
綵斑斕賞早春

又

張嘉金

高懸弧矢頌生申佳氣蔥蘢滿座春雲起蓬瀛來鶴馭觴飛綺席

坐花茵眉間豪氣昭三古世上交遊只一真自是地行較仙樂何
須環海遠紅塵

又

趙存洵

朱門春色擅繁華况遇瑤觴泛九霞歌舞恰宜元夜月樓臺疑是
列仙家銀屏百幅蒲萄錦寶炬千枝蛺蝶花爭羨及時行樂好長
生底事訪丹砂

又

竺之侃

春風吹煖豔陽天正是懸弧強仕年和藹性情吾亦羨豐亨福履
爾居全園林載酒邀花萼屏障題詩奏管絃更看羣芳迎壽日綵
衣香拂華堂前

又

王大緯 愚谷

梅花點點舞春筵
淑景欣逢強仕年
清酒一尊詩一卷
如君真箇地行仙
家學詩書夙好敦
芝蘭繞砌桂盈門
天倫更有難名樂
四十年來已抱孫
風雨雞窗溯舊盟
與君同學復同庚
祇緣潦倒春明夢
愧我盈頭白髮生
星橋火樹慶元宵
有客應勞折簡招
春酒漫云歌介壽
期頤仁待奏雲璈

又

王梓材 臞軒

壽寓清平樂未央
壽星明耀應天長
南飛鶴奏東坡引
共醉花間一草堂
堂開畫錦集嘉賓
行樂千秋歲月新
風入松喬滄古世
瑞雲濃護十洲春

又

朱穗

禮義興於足食衣翁家三世書香種洪範五福富居先肥田管領
 鄞慈奉 大椿春秋歲八千靈巖洞天闢廿六從知錫號兆其祥
 初度爲先四旬祝 尊喬攝主家之政賢梓材兼利其名謝脫心
 身一切累謫仙班裏是先生 元年元夕歲時新賽徧城街燈市
 春似顯壽星與福曜天然闔邑賀弧辰

又

盛 諤 耕 涯

四旬初度日正月首春天世業敦詩禮逃名隱市塵小梁歌坦道
小梁街道崎嶇君家鋪以板石民歌坦平北渡穩乘船北江造舟施渡利濟甚眾雅仰慈良德今開
 玳瑁筵曰強徵此歲不老卜他年敢效登堂祝恭呈介壽篇

又

徐錫介

濟橋

幸際龍飛日欣逢強仕年家聲標浙水人品擬游仙不愧壺中隱
還稱洛下賢弟昆敦雁序伉儷協琴絃雲綵祥門繞星輝德里躔
樗材慚鷄雀芳氣挹蘭荃投轄情從切添籌福正繇願將巴俚曲
聊作九如篇

又

徐文思

芹塘

英姿磊落洵殊尤嶽降崧生四十秋句詠梅花超世俗樽傾柏葉
仰名流羸登東市偕陶室翠繞南山接鳳樓一歲迎新人應瑞三
陽布化日添籌斑衣對舞春風煖玉蕊雙歧秀色稠恰好華筵開
壽域延齡共慶晉金甌

又

蘇煒

酣眠麴枕與糟牀世事於今久已忘家室主持惟叔父菑畚播穫
任兒郎有時興起聯吟社無事身閒飲醉鄉屬草挑燈心自慧看
花對酒意偏狂月明竹裏彈琴坐春到梅邊縱鶴翔仙是地行多
落拓年緣天假定康強今朝頌作生申麗他日籌添算亥長桃李
幸君聯雅好葭莩許我託餘芳結姻未入春風座祝嘏旋登晝錦
堂三雅盃方傾螳綠五經酒合瀉鶯黃恰逢良夜開清宴預借元
宵進壽觴一幅畫圖誇錦繡自慚鄙俚不成章

又

張景豪 雨亭

南齊孝子東晉忠臣裔允欽華第星月欣輝燈市節正遇籌添無

算謫仙班裏竹林隊中雅訂金蘭契醉鄉酒國儘著先生消遣

尤羨琴絃絲續四德均兼天合如人願江嫂孺人最稱賢淑聽取瓊簫纔品

罷青鳥枝頭頻喚棠棣增妍芝蘭競秀和氣門闌滿巧逢彌月去臘

添生令愛慶觴日為彌月之辰添箇嬌捧杯勸調寄壺中天

又

王坤

玉樓謫下酒中仙澆胸常掛一囊錢醉屐踏來何處好月光圓露

華鮮笙歌元夜鬧喧闐持籌客到華堂前延齡方至頌如川竹

葉浮觴新釀熟啟芳筵樂陶然蟠桃獻上早春天調寄天仙子

又

章鋈采南

花濃春晝正值元宵候新酒熟稱眉壽年華纔四十手植松篁茂

風日煖綠陰院宇瑤琴奏
家是山源舊繞砌芝蘭秀
蒼水使書
曾授身依雲谷隱名譽
中原走流澤永西湖騷
雅君推首
調寄
千秋歲

辭氣剛直知非世俗瑣瑣者比然猶未知其詳也歲戌申延余請
其家誨諸子小齋有兄四長早逝次梅谷三簪苞四鏡湖連肩接
踵怡怡相得有庠家風余見其兄弟友恭知其必能孝於親也時
其翁聞齋公辭世已十年母王太宜人在堂兄弟甫析爨事太宜
人先意承志視聽不在形聲定省溫清侍旨故養諸兄創於前小
齋隨於後各盡其心肯無缺焉而小齋之克敦天性已可見已
太宜人棄養小齋適抱病在牀聞太宜人疾欲起自奉藥餌

弄調仙班裏竹林降虎... 調寄

尤羨琴絃絲續四德均兼天合如人... 調寄

隱青鳥枝頭頻喚棠棣增妍芝蘭競秀... 調寄

添箇嬌捧杯勸... 調寄

又

王坤

玉樓論下酒中仙繞胸常掛一囊錢醉屐踏來何處好月光圓露

華鮮笙歌元夜鬧喧闐持籌客到華堂前延齡方至頌如川竹

千林嫩新釀熟啟芳筵樂陶然蟠桃獻上早春天調寄天仙子

曾好良池雲谷劄各譽中風去歲霽永西騰靈報喜對首登臨清

風月對絲劍刻字誰琴奏... 卷長山熱... 調寄



誥授奉政大夫小齋華先生六十壽序

張晉

道光乙巳丙午年間余館月湖張氏小齋與主人友得接光霽坐談間氣誼相洽由是過從必至齋中傾談移時余觀其志意慷慨辭氣剛直知非世俗瑣瑣者比然猶未知其詳也歲戊申延余館其家誨諸子小齋有兄四長早逝次梅谷三簫苞四鏡湖連肩接踵怡怡相得有韋家風余見其兄弟友恭知其必能孝於親也時封翁聞齋公辭世已十年母王太宜人在堂兄弟甫析爨事太宜人先意承志視聽不在形聲定省溫清甘旨敬養諸兄創於前小齋隨於後各盡其心胥無缺焉而小齋之克敦天性已可見已逮太宜人棄養小齋適抱病在牀聞太宜人疾欲強起自奉藥餌屈

於力而不能繼聞疾革直往省視呼籲祈禱不復自知其有病及卒哀傷慘悼莫可名狀含殮葬祭審慎周詳盡心盡禮不敢以病中偶自寬也非篤於孝者奚能有是先是諸兄相繼逝小齋以手足失傷痛悼欲絕然侍太宜人前依依笑語曲意承歡太宜人以其隨侍左右百計體順雖諸子多摧折亦相解以忘兄弟之間生而相愛沒不復憶情也小齋不然鏡湖早有葬地子亦長不數年而安葬梅谷簫苞窀穸未安子俱幼小齋爲延師擇地往來鄉村涉水登山不避寒暑如是者數年得地後營料造穴以及入壙封土必身親監視然猶恐地未當寤寐繫懷俟今兩家日隆隆起心始得慰其情摯於同氣有如此者教諸姪勉以讀書凡其家事一

爲己任弗令分心今雖芹香苹薦小齋策勵之心無已督率之仍弗懈間或有過未嘗不面責責而知改益加愛育蓋視之無異己出待親族故舊事難纖悉計然久已銘於人心而嘖於人口如臨民者多惠政口碑弗絕於道矣鄉里義舉又其所樂爲或助或創弗怠也咸豐庚申辛酉粵賊滋擾小齋上奉老母下攜百口往避山莊內外安措一力仔肩雖其時諸姪可以分任而其主持裁度當危疑震撼中措之裕如則又其精神之所獨至而計慮之所獨周夫人之率性易進德難小齋則年高德劭凡綱常之所宜盡姻黨之所宜恤交友之所宜全數十年來皆推之愈廣積之愈厚而尤有難者性情氣質涵養功深視余初遇時所謂慷慨而剛直者

已進而爲温厚和平矣是殆篤志好脩學與年進自今以往將有
漸底於純者歟古今壽言多以頌祝爲詞余惟自交小齋以來與
三十餘年中所親見而默識者爲之縷述而質言之庶幾使後之
人知小齋之享遐齡而膺多福非倖邀也其來蓋有自也夫是爲
序

誥授奉政大夫小齋姻丈華先生七十壽序

吾郡華氏以樂善稱里中於今數世矣凡賑濟荒歉助軍餉以及
葺神宇脩橋梁幾乎靡役不與他惠及鄉鄰親族者施藥施棉施
榑諸善舉尤不一而足蓋近自嘉道以來余所及見及聞者如此
而今茲率而行之克繼先人之緒者曰郡司馬小齋先生實蔚有
令聞焉先生爲

敕授儒林郎


誥贈奉政大夫閻齋公少子閻齋公生六子長椿巖君旣出爲世
父後因以仲氏珏輝君爲長早娶旋病卒幸有子矣皆樂太宜人
出也次梅谷君三簫苞君四鏡湖君五卽先生皆王太宜人出也

閻齋公年七十有四考終里第王太宜人以諸子俱長大婚育長孫雖早孤與諸叔父年齒相上下因令析產而居值家運中否諸兄先後淪謝自是家政及郡邑有善舉惟先生是問先生悉循父兄之舊而斟酌損益之故人皆稱先生之賢克以積善世其家而余之所知者則先生之內行有不可及者三焉先生幼隨諸兄侍親側常得二人歡及長溫清定省之節安常處順無足異惟旣傾乾蔭屢慟鴿原王太宜人不能無戚戚於心先生率諸子姪日侍左右使太宜人知兒孫團聚之樂而忘喪子之痛太宜人年逾古稀而始棄養非先生之調護周至不及此執喪哀毀盡禮人咸稱之此其不可及者一也先生事諸兄愛敬兼至推梨讓棗之風本

於天性旣析厥居常合食會飲歡樂靡間古人稱花樹韋家宗會
法今其法雖不傳觀岑嘉州韋員外家花樹歌有云朝回花底常
會客花撲玉缸春酒香可以想見其盛先生一門昆季之樂何以
異茲此其不可及者二也伯兄旣阨於天年仲叔季三兄多不及
中壽先生撫兄子如子自憾早輟儒業所以期望諸姪者綦切俱
令專心攻讀不紛他務今其諸姪品學兼優著名鄉里有蜚聲鬻
序者有登賢書者榮世科名聯翩而起將來登甲第列槐棘由振
家而華國皆賴先生苦心之所致此其不可及者三也先生原配
王宜人生二子長未娶卒次旣娶生一子而卒繼配聞宜人生一
子啟暘年甫弱冠文譽噪甚筆力所到先輩嘆爲不可及他日飛

騰正未可量先生老眼近雖失明而兩耳甚聰其殆令聞少子簪
上苑花馳泥金帖乎而且啟暘之婦有姪不日添男長孫瑞雲今
亦成立添有二男孫曾繞膝含飴抱弄先生蔗境嘗甘將未有艾
今年三月爲先生七十弧旦諸姪謀晉一觴次姪志青舊從余遊
嘗爲余述先生行誼故余知先生特詳因願得余言書諸屏幃余
謂自今以始先生之年日益高先生之德日益進先生之獲福且
日益廣偕老齊眉子若孫青雲聯步先生方且坐享耄期疊膺
封誥所謂康強逢吉者非特羣從之所稱願卽里中人拜先生之
賜者亦誰不歡然欣忭謂天之報施善人如是其不爽哉敢書此
獻諸壽筵卽以爲他日券

敕授文林郎廣西試用知縣徵舉孝廉方正
特旨揀發江蘇知縣姻愚姪陳勸頓首拜譔





Faint vertical text columns, likely bleed-through from the reverse side of the page.

恭祝

也棟表弟大人華老先生五旬初度序

咸豐七年五月二十二日爲也棟華君五旬懸弧慶旦諸姻友將登堂捧筭脩祝嘏之禮其壻孫君玉振先期謁余而言曰吾外舅生平慎交遊淡聲譽今者思爲侑觴之詞若乞言於泛泛諸薦紳必非所樂聞也惟與先生旣有姻戚之誼悉知其素行若得一言以進庶幾必有當也故敢以爲請余曰余知君素矣君敦尙儉樸不願爲奢靡之舉無論泛泛之言非君所樂聞卽製錦爲屏障君必惜其過侈謂齒僅五十不足以言壽他日天假之年曰耆曰老曰耄曰期頤諸姻友欲以稱祝之文爲余頌者正自有在何汲汲

於今日爲孫君又言曰是固然矣故易錦以箋幅今屏材已就思
進一言者莫若先生宜願先生勿固辭也余因進孫君而告之曰
凡所可致者人也所不可致者天也於不可致而致之則天人相
與之際有至微也惟華氏自君之曾大父耐庵公暨大父闇齋公
並以積善稱鄉里高大年膺多祜鳳毛麟角振振繩繩固其宜矣
而尊甫珏輝公惜早凋其天年君旣少孤聰聽祖考之彝訓洎就
傅銳志攻讀下筆爲制舉藝斐然成章每爲師友所稱許顧屢躋
於小試不獲售君娶於楊僅舉一子旣授室矣竟以病卒人莫不
以是爲君戚戚然余謂是固不足以驗天且不足以知君也人爵
之榮何如天爵之貴先賢子輿氏嘗言之矣區區一衿何足爲憂

樂卽博科第躋膺仕不過誇耀一時庸俗之耳目已耳世祿非不
朽科舉外有學其得失必有能辨之者至於似續之蕃衍世澤之
綿長仁者有後理有固然何得近觀目前卜此未定之天哉未幾
君置筮室果舉丈夫子將見由一索而再索三索罔俾薛鳳荀龍
鄭蘭竇桂專美於前則天之所以報君者固可拭目俟矣君行年
五十於知非之賢知命之聖其功脩雖未易跂然善事寡母暨大
父母一家之內諸父兄弟未有違言其孝友足稱焉分多潤寡澤
周三黨惠及鄰里其睦姻任恤可風焉脩德獲報美意延年善言
天者必有驗於人以君之素行若是人之所不可致者天無不可
爲君致之矣然則安期之棗不必爲君剝東方之桃不必爲君獻

莊叟之椿不必爲君植商山之芝酈水之菊不必爲君採何者君之宜得於天而天之無靳於君所謂不可致而致之天人相與於至微者意在斯乎夫頌祝之詞世多以文不以質以余之鄙陋其言亦何當於君特知君有素敢質言之以塞吾子之請孫君曰惟然足以博壽筵之歡而爲康爵之引矣遂書之以質諸君焉皆在咸豐七年歲次丁巳仲夏月全澣宜壽之辰

例授文林郎廣西試用知縣愚表兄陳勸頓首拜撰

倬雲華君五十壽序

毗文贊武緯俗經邦士夫表見焯乎尙已抱器於身遭時不偶退
與父老規畫里井當道引重維桑被賜爲德無限君子躉之吾友
倬雲受性徇通騰踔儒肆兀冝試席縣書上考郡列魁選逮其弱
齒聲振一鬢劍氣欲出珠光久沈屢踏省門俛得俛失昔齊告屈
羅隱無名遵用事例充貢太學抱奇歲鬱元髮坐凋厥蘊未舒世
咸喟慨余陋儕論睠維在昔東京叔度南齊道賜名出朝籍行炳
史宓陳留耆舊會稽典錄登載人物近隸里邨遇無羅袞用隨軫
穀惟我倬雲知所務矣始君曾考肇舉祀事祇奉先軌貽裕後續
圭田廣置暑藥兼施上推旁推區畫周至君考藩掾被服儒疋尊

例梓潼香瓣蒼牙日湖廢廟棠畧陋俗以興以革垂爲規型洎君
有聞增修唯謹誕張茂緒載敷清芬喬研世守義裘式嗣余於倬
雲善繼繩也運爲哲兄雲稱俊弟君季中翰與君競爽頡頏書林
喁于吟榻連業共右前襟後裾一嚮之嘗甘美均之一勺之霑芳
香浹之崔錢不入姜被同温余於倬雲欽竺睦也劉平求菜郝鑿
含飯行光往牒事闕來聞粵寇之警君避頓畧輿母播徙從以期
功食指告繁山糧中罄勉稟母訓篡取宿醞竄身狐羣側足鼠穴
易米以返拯及房從拾甚爲親買糴贍族前輝未沫穆行可風戴
鱉敘水邱緒議湖加惠榆枌殫慮川澤頃濬城河君與董司疏通
水喉派別地塔淤者載鑿堙者暢通蓄泄具宜燠浸攸賴措事利

物傭工濟人衷諸紀律有符曩概東南魚販歲業海壩舟艦爲家
蛟龍爲偶苟免濤浪重累椎算出飽關胥入蝕衙吏君憫悴狀稟
白有司寬政仰被海獲慶豐刺取羨餘酌給溺丁船戶稱便篙工
躍感葉陽振困蕭復拯孀義歸一談事兼二美壞俗渴葬浮棺城
隅纍纍成堆莽莽叢朽遷畀郊壤庀以數楹褚墓改覆條衣免暴
再畫葺費別開魚塘始事監司受成於君劉昌蕕骨陳向瘞骸善
並陰德行同歸厚標舉綱末臚列徽媿著於門庭推自州鄙耆碩
優禮長吏賓待嘉勞號能翕然無間臯余持論士患短才高下在
抱方圓可施諗君所爲鄙言幸驗見驥一毛窺豹一斑君遇有待
君撰略覩歲在昭陽月交應鍾著齡告屆藻詠朋興中翰寓訊屬

養壽頌啟緘馳系搦管抃慕鄉望允樹門德踵繼長君充秀仲子
擢穎蔚起孫枝式流宗祉而君茂齒方當五十力能任重事可有
爲順風一呼梯雲直上以施於鄉推見乎世聞達理幹彪著鴻懿
聲烈遐逮素抱藉慰燕雲在目吳樹縈懷券君經猷罄余禱祝是
爲序

賜進士出身

敕授文林郎翰林院庶吉士加一級年愚弟洪家滋頓首拜撰

郵頌

誥授奉直大夫小湖仁兄大人華老先生六旬壽序

自後魏設停年格而才士短氣謂捐其躡級之梯也然科舉行而取才之途尤隘士固有倜儻奇偉而不得當於有司者雖匡廬坐嘯間出其緒餘以佐當世之務要亦全豹之一斑耳其才固未盡展也惟然余於小湖華君不可無一言以表其人矣君爲先德鏡湖贈公長子少讀書通故訓年三十餘補博士弟子員方銳意進取旋遭粵匪之亂時君家避居頓畧親交多往依之太夫人頗以艱食爲慮而城西酒舍有酒幾千壘左右無敢往運者君奉太夫人命出奇計踰賊壘一晝夜盡取酒入山行糧得以支給人始服

其才後應鄉試屢薦不售益留心經濟之學當道諸公有過而問者由是知名於時初鏡湖公仗義好善舉君踵行之並多所增益嘗修日湖文昌閣立廣文會以收拾敗楮棠畧有業紙者取故紙投汗水中攪去墨汁複製爲紙號曰還魂紙穢褻殊甚君言於官與僧道賣牒及溺女宰牛諸弊端一律禁絕重修邑廟重建郡廟築縣南狗脛塘以遏潮汎修縣東蕭皋硯以備蓄洩前太守宗公立河工局濬城內淤滯君皆董其役焉吾鄉濱海多漁戶出關採捕恆苦需索君請大吏裁汰之凡漁舫傭工有病故及失水者定例賜恤不致生事鄉民賴之饋以金不受但令充漁戶恤養之費名曰永安會復謀開魚塘數里收其租立寄棺所俾貧者得以暫

殯兼買義山以瘞骼郡中貞義會之拯寡溥仁會之施樁同安來
安會之購水龍無不任其勞者光緒初年今相國李公議於甯波
設電線局以備海警觀察盛公薦君主其政浙撫劉公復檄君添
梅墟鎮海兩局申酉間法人攻蛟關軍務驛騷卒賴電報濟事寇
平保獎以府經歷選用踰年由海運功保獎五品頂戴兼管招商
局整理舊規行旅皆稱善云性孝愛丁外艱哀毀柴立卜親壟於
鳳山之麓負土成墳備極勞勩同治乙丑赴鄉試適太夫人盧氏
棄養得耗慟幾絕與一弟小泉中翰式好無間三郇稱之華氏爲
典午時孝子豪之後然譜牒頗散佚君遇無錫宗人始詢知宗派
因往無錫勘明遷甯世數郡中若雁宕華湖施公山諸華氏皆得

聯譜又謀於諸族買先世祀田補奉木主之未備者倫次秩然此非深於譜學者不能也子幹年附貢生保奏鹽大使冕英巡檢孫光衢從九品光甌尙幼十月四日爲六十弧旦諸子姻舊移書署中乞余爲紀年之文余惜君之才不獲大用而差幸鄉黨之人得蒙其福也其何可辭將來才德如君子孫必有達者異時掇巍科躋顯秩上君行誼以邀 聖朝褒寵之大典君乃得優游祿養而耄而耄而期頤歸然媿魯靈光之目是吾黨故人所爲跂望也姑以此文爲嚆矢之先焉可已是爲序


光緒十九年昭陽大芒洛應鐘月上澣吉旦

誥授光祿大夫頭品頂戴

賞戴花翎陝西布政使司布政使加

三級歷任甘肅布政使司布政使安徽按察使司按察使陝西延榆綏兵備道榆林府知府刑部廣東司郎中山西司員外郎直隸司主事歷充軍機處行走咸豐壬子科舉人世弟張岳年頓首拜

謹



Faint vertical columns of text, likely bleed-through from the reverse side of the page. The characters are difficult to decipher due to fading and ghosting.

誥授奉直大夫小湖仁兄大人六秩壽序

泰山之雲觸膚寸而起不崇朝而徧天下也以潤一方則僅矣干
將莫邪之器陸剽犀象而水截蛟龍也以制螻蟻則違其用矣大
雅宏達之材將以開物成務措諸當時而應諸久遠也而其設施
乃不出閭巷之間則論者惜之矣雖然學以躬行爲先而以實效
爲歸大用之而大效者其不能自主者也小用之而小效者隨在
可以自見者也程子曰一命之士存心利物皆能於物有濟旨哉
言乎吾友華君小湖抱經世之志而具肆應之才自其東髮受書
已引天下爲己任矣旣而屢踏省門不得志於有司乃喟然曰吾
不能策名清時佐廟堂出政令又不能假尺寸之階以課報最命

也要其所得自爲者固在會有人以棠畧造還魂紙告還魂紙者以字紙爲之雜穢物而澣洗之色微微用以裹物堅韌逾他紙君言諸縣宰力禁之又以錢收買之遂輟業由是推其意設廣文局建倉聖祠凡以爲惜字也吾邑陋俗婦女持牟尼珠而宣佛號者謂之念佛雜男女而夜坐者謂之宿山僧徒藉以歛錢裂黃白紙斜封之而繪佛像於上者謂之關牒印墨圈於旁而朱點其中者謂之路引任邱邊公守郡時始痛懲之君陰爲之左右由是而溺女有禁私宰耕牛有禁凡以整風俗也邑東南人以捕魚爲業募人爲之佐佐者溺海則其家黜不已主者患苦之舊例漁船出關官爲給護符緣是胥吏多婪索君牒有司核減其費卽以其餘卹

溺海者之家漁戶德之乃醵金以謝君卻之曰盍移此以益公費
乎乃爲之釐定章程至今率循之不廢他若爲義棺義冢爲施藥
施衣爲恤嫠會爲寄棺所凡以恤貧寡也城河之水由西南兩水
門入而以三喉爲尾閭屢致淤塞官府設濬河局延君董其事以
君夙究心於水利也近者蕭皋硤之役亦以屬君其與余共事者
則濬小硤港與脩永鎮塘比比皆是而君又爲來安同安水龍會
以備火政凡以興利而禦災也至若脩郡邑城隍廟以及日湖之
文昌宮邑有善舉恆以君爲職志往者法人敗盟犯我蛟門君時
方主電報局軍情萬變瞬息千里運謀帷幄瞭如指掌大吏上其
功以府經歷敘用尋以海運功加五品銜然非其志也夫以君之

才使得究其設施則上之可以翊中興之運次之亦不失爲州郡之循良其收效當不止是且夫天下者一鄉之所積也一鄉者一家之所推也嚮使豐功偉烈震耀一時而考其門內之行不無遺議鄉之人雖有被其澤者孰能爲之諱耶而況欲其尊信之耶君孝於其親友於兄弟其事大母尤能先意承志鄉之人翕然稱之無異詞矣而其所難者尤在敬宗收族華氏之在無錫者爲宇內著姓宋南渡時有遷甯者元時有遷定海者定海今爲鎮海國朝康熙閒有由鎮海遷居於甯者君邂逅無錫宗人始知遷甯始祖其父日東公爲無錫大宗往接其譜世系皆合還以告其族人暨散處他邑者相與醵資爲日東公置祭田立主於無錫宗祠中

而宗譜亦因以成焉乃知惠及於鄉必其行修於家始無愧乎躬行之實也今年十月四日爲君六十懸弧之辰嗣君幹年兄弟屬余一言爲壽夫其雨其雨杲杲出日曾不若河之潤九里也懷抱利器而不獲一試曾不若鉛刀之一割也然則君雖不得大用於時而如程子所云殆庶幾焉其又奚惜焉君其可以歡然進一觴矣是爲序時在

光緒昭陽大芒駱歲良月宜壽之辰

賜進士出身

誥授奉政大夫五品銜翰林院編修

國史館協修

武英殿協

修甘肅提督學政加六級世愚弟陸廷黻頓首拜撰

...

...

...

...

...


...

...

...

...

...



誥授奉直大夫小湖華太親翁六艷壽詩

李廷翰九香

兩浙鍾靈秀雙湖毓異姿梓鄉扶杖日梅嶺著花時

孤旦為十月朔後三日

閱閱仍忠孝

華氏系出錫山東晉忠臣南齊孝子其遠祖也

躬修萃福禧昂藏現眉宇貞

立羨心儀破萬充邊笥餘三下董帷泚莪挺翹楚貢樹擢芳枝

翁幼

年積學郡縣試屢列前茅中年以後始博一衿援例貢成均

槐踏忙經市榴占錯驗期名才膺

鶚薦偉略伏雞雌

翁屢踏省門薦而不售者再四晚乃絕意名場

閉戶辭毛檄循咳補束

詩鯉趨紹弓冶鶴翁叶堦篔

翁家居以孝友稱

郊野連烽警山村數米炊

齋糧資宿醞贍眾免調飢探穴驚狐鼠憑城藐虎貔任勞焉就逸

履險直如夷

粵匪擾甯翁奉母挈眷并族眾避居頓畧山食指浩繁山糧告匱翁奉母命潛踰賊壘詣城西釀舍運宿

醞歸以易米一門免調饑焉

望重扁盧術良稱和緩醫岐黃書畢讀靈素卷常

披翁精岐黃術常以活人丹好回生鍊湯還續命痺痲瘳溽暑沈痼起危

疑翁家自祖父以來歲以暑藥施人翁精辨藥品悉心監製藥力倍靈秋夏之交活人無算弊俗窮鄉甚澆風

歷劫瀉叢殘遭蹂躪墳籍付波靡呵護邀倉頡聲威仗慮犧崇文

珍寸楮振贖藉單詞甯奉山村弊俗有以殘書敗楮造還魂紙者法用污水洗去墨迹穢褻殊甚翁稟請當道

嚴行禁止并創立惜字局以收買故紙器皿之有字迹者郡邑惜字之風始振圮廟恢新宇荒宮葺廢基

麻祥迎社稷典禮慎壇壝度木需名匠衡材訪巧倅輝煌瞻藻井

樸斲炳雲栴翁重修岳廟創建倉聖宮邑廟圮郡廟燬翁更籌巨資重新之鳩工庀材身董其役梵語龜茲

創僧流象教歧孽箋紛度牒改服競禪緇瀾欲迴狂倒身遑避怨

訾異端庶心惕正學賴肩仔邑中陋習婦女好燒香佞佛緇流刊印度牒給賣斂錢更設齋壇立打七

宿山諸名色傷風敗俗舉國若狂翁力白當道嚴懲劣僧勒石永禁異端之燄始熄疾痛閭閻悉焚燠里巷

咨原療凶待遏崑燄急須馳潑雨羣沾漑反風定指揮馴同劉氏

御炬不楚人懼

謂督理同安來安兩水龍會事

姒禹勳堪繼桑欽學夙師開渠通

淤塞浚洫運壘裡廣狹規咸復縱橫道罔移交流分汴泗別派悟

澗溜

甯郡城廂河道久淤當道設局開濬知翁熟精水利兩董其事

設闌穿青埴飛梁駕碧漪田

廬憑捍衛畎畝遂鎡鋌石植泉州路防堅潁水湄但安黎庶業肯

讓古人為

邑東南蕭皋硤為界江要隘歲久廢圯江潮病田翁籌巨資重新修築監視工料不避祁寒暑雨功竣鞏固倍

先時東南農者深利賴之

渤海饒魚鱉滄溟富蛤蚶利源爭鶩逐濁浪駭躩踞

援手誰拯溺吞聲每泣發調停歸掌握周濟竭圖維

鄞屬濱海鄉民多泛海捕

魚者一遇漂沒則溺丁之家每向船戶擾攘滋事翁為訂定章程酌給恤費且為籌公款以恤其發

振乏添貲助餽

貧足糗資集裘欣雀躍折翼恤鸞畸

翁與同人鳩資設立感存公所敬修會貞義會以錢米恤

後續挾勤衣被倉盈樂食推溥恩泯畛域惺念慰瘡痍順直等處水災翁出

資置棉衣往施災民且屢籌款以賑飢海澨嗟沈溺山陬困積醜紅枯鸚鵡粒黃斷

鴈鴻桑旁貨殷輸轉長生便質賀神君呼范似佛子頌邊宜歲己丑

郡大水民飢翁籌資往設質庫以便民且籌款賑之有無可通甌民藉以生全者甚眾座滿融樽酒家餘肅

困積俠懷傾囊篋權算謝銖錙翁性好客座上常滿待人尤有唾

玉譚都雅兼金諾不鳴交完平仲久客好孟嘗翁善談各理尤重然諾親友交

際始終無違言巽與言多婉謙尊吉叶撝苦甘投藥石曲直峻箴規耿介

風裁露公明月旦司糾紛工剖晰輕重絕畸訛翁智圓神方工排解峻風裁鄉里有

紛爭者得翁一言無不立解譽已騰鄉黨情彌篤本支武陵延族氏子宋卜蕃

滋華氏本宋大夫後棲北巢南憾光前啟後思宗離常膜膈脈引倩鍼磁

奕葉千秋繼同根一意追敦親徵懇摯系世且勤孜華氏世居江南錫山而大

宗遷居明州江浙遙隔數十世音問不通翁追訪本宗往返千里不辭勞勩始明世次通譜牒蘇氏家乘軼庭堅

上祀隳琳瑯搜舊簡栗柘煥崇祠華氏之在明州者譜牒闕如翁採訪宗人始創修之又添置祭

田於錫山宗祠補奉七百年失祀之祖敦本之意厚矣倦鳥空西裔征鴻畏北陲魚腸書費

繹雁足綫難羈曼倩通天擅長房縮地奇置郵爭瞬息傳驛迅賊

陝緯布綜條貫竿懸列錯差機緘陳隱祕時局懍危持光緒癸未中國設電

報局翁奉大吏檄主辦甬局事甲申法夷擾海又奉大吏檄添辦鎮邑梅墟局軍務倥偬羽書絡繹翁督率司事晝夜從事日不交

睫者三日軍情無誤防務實利賴之琛象遐方達纖蟻絕域馳餘皇聽鬣喚逆旅免

形疲物阜矜雲集誠孚到月氏崎嶇皆坦易闡闡盡雍熙燭理心

澄鏡輸征利析錐量寬涵叔度畧美擬韓琦中國設立招商局貨客裝載皆用輪舟大

吏委翁辦甬局事翁悉心經理規模
燦然逆旅稱便商務亦日有起色
勞勩膺輦帶勳猷勒鼎彝蜚

英聯鵠鷺得路伴麟麒
寵沐龍光渥榮邀鶴爵糜魚珮鏗劍佩

鳳誥耀門楣

翁以海防功議敘以府經歷用又以海運功議敘五品銜

庭桂芳呈瑞階蘭秀

吐蕤淵源肯堂構經訓勗畚菑

誥嗣輯甫明經藹夫國學皆已策名仕版登仕有日膝下孫枝亦復

翩翩挺秀頭
角嶄然焉

瓜瓞慶螽衍薪傳遠燕貽侍闈温清習繞膝笑言怡

翁一門雍穆善氣藹然

澤媿汾陽厚踪追洛社耆方奚求辟穀餌豈在餐芝

正直心常泰從容養自頤精神健龍馬骨幹壯驥

翁年臻花甲而精神丰采

猶如四藹藹朱顏駐皤皤皓髮垂翁真稱矍鑠客亦舞僊傲巴里
十許人

慚賡曲華筵快舉解珍筓芬梨棗醲釀熟醪醪絡繹羣仙聚鏘鳴

廣樂遺老人星正爛壽考介維祺

敕授儒林郎小泉仁弟世大人華先生暨德配

敕封安人華老世嫂李老安人五十雙壽序

先儒程子有曰一命之士苟存心於利物於人亦必有濟由此觀之士無論遇不遇皆當以利濟爲心幸而遇也出其才爲世用固不難爲生民造福卽或不遇而行其德於鄉里苟盡我之心力卽有裨於斯人蓋處境雖殊而存心則一也雖然人未有薄其所厚而能厚其所薄者今世士大夫初未嘗爲務本之學一旦身登仕版不知親親安知仁民而凡戚黨交遊之不能厚也可知求其端本於所厚而推以厚所薄者則小泉華君其庶幾乎君少余七歲兄事余將二十年蹤跡雖疏而性情契合鮮齟齬今年秋八月二

十二日爲君五十生辰而淑配李安人悅且則在二月二十六日諸同好製屏幃頌偕老而哲嗣瑞桐請余文書其上余無以卻也華氏累世爲縣巨室自君曾王父以來世以行義望於鄉邑贈公鏡湖先生尤力行善事克紹前徽其大者如創立廣文局惜字會設育嬰堂於奉化棠輿以收養女嬰使不得溺女而君與其兄小湖君善繼善述凡先人所爲者皆遵行之且推廣之性明敏通事理贈公以君有幹事才甫成童卽命於讀書之暇兼理家政嗣因叔父靜川先生年將老以祖遺店務委諸君君皆能勝其任使先世二百餘年舊業得以不墜者君之力居多善事父母友於兄歲戊午年十六贈公病日夜侍奉衣不解帶旣失怙而母盧太夫人

猶在堂事之益謹庚申娶安人安人嘗讀書知婦道隨侍太夫人
柔聲愉色無片刻離左右以是益得堂上歡乙丑春遵太夫人命
與兄析產服物器用多所讓卽安人亦無婦女小見識略有計較
秋八月太夫人棄養君與安人擗踊號泣痛不欲生大殮後君以
贈公殯淺土垂十年亟與兄擇葬地旣得諸鳳山之麓將葬矣而
堪輿家謂此地不利於君君毅然曰擇地以安父母敢因以爲利
哉其必葬毋回惑安人亦以爲然而今已得兩子一孫何不利之
有君之務本而厚其所厚者有如此至於宗族親戚其貧乏者給
薪米婚喪大事則量力助之族人或失業不待請託亟與位置生
平不妄交旣定交則貧富貴賤死生始終如一雖處市井而不染

市道中習氣厚待夥友凡在店司事者無一不感激於心嘖嘖道君德此猶曰總理店務不得不然若洪志清儀部將挈眷入都而乏貲斧君勉力攸助始得行去年歿於京其眷屬扶櫬歸君初不問舊逋且安頓其家事王琴齋李質甫兩諸生幼與君同筆硯不幸早世寡妻孤子無以爲生君出囊金飲食之教誨之俟其子長大授以業俾成家皆未嘗以身故負之也則信乎始終如一也卽余自甲戌朝考至己卯捷京兆屢以貲斧不繼請假回藉癸未北上應禮部試君送余行謂余如留京當歲助余而余於下第後改官就教職負君美意多矣君之厚戚族朋友者又如此然此尙不足爲君難也所尤難者人不必相識苟無告有可援手無不盡心

力而爲之癸亥秋馬陵有嫠願守節其夫弟利其身價招人入醮立券收值而嫠仰天呼籲矢志靡他君適收租詢知其實乃償其值以完其貞又歲周以粟至其子成立而後已明年讀書日湖偕友人至酒家有索債者逼迫已甚計無所出將自盡君亦如數償之其人始無恙夫君家不過中人產耳自奉雖儉而矜恤困窮好施不吝有未易更僕數者正不獨貞義會永濟堂諸善舉襄其事也初君勅立溥仁會凡無力收殮者施以槥丁亥秋國大疫君旣出已貲三百金合藥施送復以病故者多赤貧乃捐貲千餘金添構施之此誠程子所謂存心利物於人必有濟者也而特非勉爲務本之學亦安見好行其德推所厚以及所薄如是也耶余於是

知君好善之篤而卽以見安人內助之賢安人爲國學生溥宗先生三女幼失怙依母氏貞良淑慎雅嫻姆教有古賢媛風年十八歸於君歲時祭祀必躬親料理如逮存處長姒女妯和協無閒教子嚴每日下學卽課以字與詩性儉約不佞佛而好施與殆與君有同志君以郡弟子員援例貢成均納中書科中書加六品銜屬文以意勝力矯陳腐鄉試屢薦不售近科不復赴而瑞桐稟承家教敦品力學奮志功名瑞檀方幼讀穎異孫光謙亦嶄然露頭角將必有光大門閭副君期望者况君方厚培陰德積善以貽子孫乎爲善必昌猶操券也君其勉乎哉若夫五福三多取譬陶翟以泛泛諛詞相祝願固非君所樂聞卽余亦不願爲此也爰就生平

大略質直言之以答嗣君之請而垂示於後觀俾世世子孫克繩
先德斯則余所以壽君與安人之深意而不惟是紀年以頌偕老
而已也是爲序時在

龍御光緒歲次元默執徐春王正月宜壽之辰

誥授奉直大夫兵部七品小京官武選司行走加四級改就本班
詢問教職候選教諭譜愚兄郭慶恆頓首拜撰



敕授儒林郎小泉姻丈華先生大人暨德配

敕封安人華老姻母李安人五十雙慶序

賢者之表見於世必內行敦篤崇尚風義及措之於事則又才幹通敏肆應無滯而後體用備顧有體有用兼之已難尤難在超然有高世之識其所見夔異恆情而其行其才遂爲人所不可及華丈小泉人咸推其行誼之厚才幹之優而余尤服其識見之卓也丈於余爲姻長顧謬見推許折輩行與交辛卯秋余膺

簡命典湖北試竣事假歸哲嗣瑞桐來謁以明年八月二十二日爲丈五十降辰德配李安人同庚其設帨之辰則在二月二十六日請余文爲壽余知丈深且久何敢辭丈爲授儒林郎贈奉直大

夫鏡湖公仲子母盧太宜人而明敏長讀書通大義不屑屑章句爲文一空陳腐以意筆勝人甲戌補諸生旋貢成均以中書科中書加六品銜丈旣連試不售不獲以科第致通顯一展其所學以及於世復以先世遺業慨然以儒就賈溷迹塵肆間而其所表見有爲人所不可及者請覩陳之丈少有至性事二親色養周至與伯兄小湖丈相友愛族羣從以下皆教誨而成就之給薪米依婚喪由宗族推之親故無所吝擇交綦嚴旣定交或身後妻子貧乏必使得所又推及於素不相識之人嘗出飲適酒家爲宿逋所窘將以身殉之爲出資代償事乃解又嘗收租馬陵有窮嫠爲夫弟逼醮仰天大號爲償直折券歲周以粟至其孤成立乃已先世

多善舉皆遵行不勅丁亥秋大疫合藥施送費數百金多所全活
嘗勸立溥仁會施棺是秋益推廣之無力者多仰給焉此其行誼
之厚也有幹才少卽通達事理年十六贈公病命兼理家務越三
年粵匪竄居郡城贈公已前卒奉太宜人避地頓輿眷屬三十餘
人穀蔬供給丈一身主之明年春移寓江北設肆售京貨以濟家
用城旣復數月適季父靜川公偕兄入城眷屬有從之者匪忽回
竄東南鄉城驟閉家人恟懼在江北者不肯行相向大哭丈以一
身調停之已而事定旣就賈悉心綜理待夥友優給廩餼又使其
子弟各有職業歿則擢用其後人由是咸感奮盡力此其才幹之
優也生平行事常爲人所不肯爲蓋其識有大過人者見理旣定

雖變故倉卒禍福眩惑不以少動於其中當粵匪回竄時肆夥大半東南鄉人皆皇急失措不敢以情告丈從容諭之曰君等方寸亂矣其速歸顧徒手歸何益吾囊金雖乏當再圖之盡出肆中金分子諸人皆感泣去太宜人之棄養也贈公柩殯已八年告伯兄請速營葬地既得地鳳山之麓堪輿家謂法當小房無嗣事將中止矣丈力爭之曰葬以安父母耳兄子吾子也何害安人亦力贊之議乃定此又其識見之卓也夫以丈之行之才之識久爲吾黨所推服顧嘗曰吾非安人不能行吾志蓋贊而成之安人實有力云安人爲國學生溥宗公三女年十八來歸善事太宜人能得其歡歿後嘗稱姑訓奉祀極誠敬惟不佞佛有以爲言者輒笑謝之

其自奉儉約而好施與尤與丈有同心焉子二瑞桐瑞檀孫光謙
丈之教於家以根本爲先務安人佐之未嘗少事姑息今長君已
克自樹立彬彬然爲華實並茂之士他日與其弟若子聯翩誰起
以科第致通顯各展其所學以及於世傳所謂不于其身于其子
孫斯言可預爲券况丈之表見於世者固已有榮名於其身乎丈
與安人可相對而笑晉一觴矣是爲序

賜進士出身

誥授中憲大夫掌雲南道監察御史加三級前翰林院編修 國
史館協脩山東道監察御史壬午乙酉順天鄉試同考官己丑會
試同考官辛卯湖北鄉試主考官姻愚姪張嘉祿頓首拜撰

同齊官辛卯歲北極星主齊官啟愚致要嘉新節

與論新節山東嶽望察論史壬子丁酉則天際端同齊官

南嶽中憲大夫華雲南嶽望察論史賦三錄前薛林

與士出良感泣去太宜人之家養也昭公極歎已八年告伯兄

與交人何琳憐而笑晉一顯矣愚氣法當少房無嗣事將中

與德言何新為後宋文之妻與與世香固已育榮各效其良平文

以何榮姪獻賜答題其親學以文以世粉祖雷不于其良于其于

與日與立淋淋然為華實並效文士於其與其策若于無編錯法

與志與與以對本為宋孫史人於之未嘗少專故息今與孫日

其自奉簡修而秋與與次官同心誠于江徽琳琳蘇冠次精

郵頌

誥授奉政大夫子承大兄大人華先生五旬晉一弧慶序

甲午秋七月余忝膺

簡命偕秦韶臣太史典試浙江向例中額百有六人茲因

慈禧皇太后六旬萬壽於舉行

恩科外復加額三十甚盛典也揭曉後得士如數而甯波獨甲於
他郡鄞縣尤甲於他邑四明靈秀鍾毓非常諸生修謁時見華生
翊運貌恂恂言訥訥退然如不勝衣頗有大儒品概余深喜之竊
意染藍琢玉必有由來語次詢及家世知其積德之厚詒謀之遠
而其尊甫廣文子承君義方之教爲尤嚴翊運作而請曰去年七

月二十二日爲家大人五十生辰朔運兄弟將製屏稱慶祇以屢
試不售無以博堂上歡遂中止今蒙作養倖賦鹿鳴敢具行略乞
吾師一言爲壽余諾之未及報也比返都門乃閱君行略就生平
大略質言之以復前請君先世系出無錫孝子寶後遷甯二十餘
傳至君曾祖耐庵公祖闈齋公歲施藥濟人至今奉行不怠儒林
郎贈奉政大夫簫苞先生君之父也嫡配范太宜人艱於子嗣納
筵室陳太宜人是爲君生母君生而岐嶷性明敏贈公嘗曰吾不
能畢志讀書此子將來當繼吾志君年僅七歲贈公及范太宜人
相繼逝世陳太宜人矢志撫孤以養以教有九熊畫荻之風君亦
克自奮勉螢窗雪案無間暑寒應小試不利乃納監赴鄉闈同治

丁卯年二十四受知於張霽亭府丞張薌濤侍讀兩座師登賢書
明年會試薦而未售下第歸益發憤攻舉業公車屢上而志不衰
太宜人常病風君杜門不出偕淑配王宜人侍奉湯藥扶持抑搔
無頃刻離左右如是者十餘年歲乙亥太宜人棄養君盡哀盡禮
以贈公葬時未有墓志乃求座師張霽亭侍郎爲銘勒石於太宜
人合窆之日納諸壙喪葬旣畢君哀慕如少時乃懸小像於室日
供香茗薦時食所謂事亡如事存也縷敘太宜人節孝事實牒請
有司上於

朝得奉

旨入祠建坊事詳邑志列女傳君以揀選知縣晉同知銜先人得

贈封如例庚辰會試後大挑二等以教諭用本班儘先歷署長興
德清淳安等縣去歲署蘭谿縣訓導君於所至之邑以振興風化
教育人材爲己任朔望宣講

聖諭及鄉約等書必躬親無怠忽固不獨蘭谿爲然也至新生來
謁者脩贄多寡不與較寒士德之君天性肫摯而外貌嚴肅亦不
以疾言厲色加人持己涉世無一事一語不率真自奉儉約而厚
於宗族其無力婚嫁者量力助之姻戚或告乏亦能曲意周旋以
應其請歲延名師課諸子讀長則出就外傅厚其脩脯無稍吝交
友不濫與交者多品學兼優寒素之士或同伴計偕北上隨行傭
僕需費數十金皆取給於君不派及同伴友也蓋君惟不妄用財

故能善用其財於義所當用者耳生平不習世故懶酬應無事時
常閉門靜坐家庭肅穆無嘻噶聲終日手一卷遇知音或撫琴一
曲性愛花木春蘭秋菊聊以自娛書法近顏歐尤善篆書求書者
踵相接得其片紙寶貴若珠玉以是見君之敦行勵學而其宜壽
者多也丈夫子六人翊運居長次昌年已入泮有聲庠序餘俱幼
讀孫男二人皆英俊不凡嶄然露頭角一門之內瑤環瑜珥輝映
後先而君以純篤之行樸誠之學推以教其子若孫余知橋仰梓
俯桂馥蘭芬相率而聯翩騰達黼黻

國家以光大其門閭且方興未有艾焉如是以爲君壽不多於人
世之所謂壽乎哉余故樂書之爲君頌卽爲翊運兄弟勛君倘亦

驟然引滿也夫是為序

龍御光緒歲次闕逢大貺祿律中黃鐘全浣宜壽之辰

誥授榮祿大夫內閣學士兼吏部侍郎銜文淵閣直閣事通家愚

弟梁仲衡頓首拜撰

誥授朝議大夫麗生姻丈大人華老先生五旬晉一榮慶

甲午春

承華

襄校華氏宗譜小湖姻丈與余言客歲五月朔爲從

弟麗生先生大衍之慶先生不敢受賀今歲秋先生爲次子完姻
同人將乘此補製屏幃具略屬一言以爲壽余惟壽者酬也酬其
所養而已人必內不愧於制行外不苟於締交斯在我所養者深
卽天所酬者久今觀其略知先生所養深矣先生爲贈朝議漢園
公幼子賦性明敏通達事理值家中落年舞象始就賈通八閩語
託業錦繡叢中不生歆羨心其所養可知矣事親孝辛酉春母戴
太恭人病侍奉無少離衣不解帶目不交睫湯藥皆躬親太恭人
棄養未幾粵匪陷吾郡里中紛紛遷避伯氏因所親挈眷赴春申

仲氏往鄧東侍贈公側者唯先生一人依女嬃楊同寓東吳比亂平奉贈公復故居檢視什物遺失殆盡越數年贈公命與伯仲別籍相讓無一言惟求悅親意而已侍贈公疾一如侍太恭人易簣時先生痛不欲生既思母柩殯多年使吾親受暴露者人子罪也宜速葬於是節哀順變延堪輿家得地於鳳山巖麓並黃太恭人盧太恭人合葬焉歲時祭祀食必薦新於生前不少異且自維無寸進可以顯揚援例由國學生晉同知銜加一級以

寵誥博泉壤歡至自奉則儉約不敢稍縱嘗訓兒輩曰吾家本寒素先人遺業祇餘小屋數椽若非勤儉自守幾於飢寒交迫汝等念吾成家艱辛宜以勤儉二字終身行之弗忘也故至今衣不加

飾食不加豐非養之有素者能如是制行乎是得壽一證也若夫
內親外戚之往來密友疏朋之交際以及族黨鄉鄰遇有告貸者
隨力予之不少吝有失業者必爲之薦舉嘗因親黨無業與友人
勉開茶棧俾之得所後虧蝕數百金未嘗貽怨於親黨蓋以義爲
重自以利爲輕生平重然諾好施與與同業友交不形人短不恃
己長一團和氣恂恂如有儒者風不染市井習氣以故人樂就之
然苟其人行止不端聲名有玷概屏之不接一言秋肅春溫並行
不悖所養如此宜天厚酬之又得壽一證也德配劉恭人爲吟艇
都戎次女幽閑貞靜四德無慚少先生二年來嬪時贈公猶在堂
雞鳴盥漱怡色柔聲以承堂上歡躬操井臼未嘗聞交謫聲贈公

疾與先生侍左右晝夜不倦迨歿相夫子治喪葬大事必誠必敬
弗使有悔先生善居奇稍獲餘資遇親戚有急恭人每勸先生解
囊濟之己則荆布自甘不事華飾至於處妯娌以和待傭僕以寬
猶其餘事焉耳今則長子瑞富次子瑞高牽車服賈確有父風所
娶皆名門女佳兒佳婦藹藹一堂行見孫枝秀發點頷問安先生
與恭人環顧膝前亦足以娛晚福余不敏親先生道範有年兼以
小湖文命誼不容辭敬就來略詮次之並進一辭助諸君子稱觥
曰純嘏兮爾常天佑吉人兮家小康合百歲兮梁鴻孟光願自今
伊始兮受福無疆何須侈天保九如諛詞兮頌日月與陵岡先生
覽之當不河漢斯言姻晚生張承華頓首拜序

恭祝

大閩範華母陳太君六旬榮壽

人生五福首推惟壽壽者酬也天下惟勁節者能壽彼竹箭有筠松柏有心故貫四時而不改柯易葉陳太君華母帝簡公之元配也平生以節勝帝簡公仲兄帝臣與余善嘗縷述之今夫相夫子以順處妯娌以和精飯縫裳婦德之善也要不足爲太君異惟壯歲閒帝簡公逝世華氏塊月僅歷三週晷晷子立衆所共危太君獨能肅內教嚴家政勤織則效敬姜教子則做孟母數十年來苦節自貞擬之竹箭松柏詎有異焉其庶歷下壽中壽而克臻上壽乎今冬帝臣與衆賓以太君六秩大慶囑余序之余曰太君之壽

正未艾也今之序其始事已抑余聞之彤管女史也太君之盛德令後賢克自樹立揚名顯親俾書之國史其壽不更萬世無疆也哉時在

乾隆十六年歲次辛丑良月中浣穀旦

賜進士出身 敕授文林郎知廣東廣州府靈山縣事丁酉戊戌兩科同考官年家眷侍教生陳錫光頓首拜撰

誥封太宜人華節母陳太宜人五十榮慶之序

同治丁卯余奉

簡命典兩浙試得士二百七十人而鄞縣華生以甫弱冠預是選
既於杭於都下屢以事謁亦嘗叩其家世稔其門閥而知其母氏
陳太宜人矢節撫孤以有成立蓋幾幾乎仇湛之風無忝乎古之
稱賢淑者歲甲戌太宜人年五十長恩具事略由郡縣達省將請
旌典於朝而其同里諸年好先期郵書丐余言爲太宜人慶誼不
得辭太宜人嬪於華爲

誥贈奉政大夫蕭苞君之窳室女君范宜人與太宜人相愛敬贊
理內政咸有條法華氏故巨室自計友客作以及臧獲侮甬若而

人慈字嚴涖內外井井無何奉政君歿太宜人年二十六耳越二
年女君繼逝洊遭大故強自力手搢其家親事病姑育孤子俯仰
無間遂得中振門戶繼前人之緒而恢宏之其有功於華氏綦大
方太宜人之歸也君姑王太夫人猶在堂太宜人婉婉承順能得
其歡心旣稱未亡而太夫人益篤老輾轉牀蓐臥起需人太宜人
謹視食息料量藥餌而手進之雖舛娛滿前不他諉也如是者十
餘稔而太夫人以壽終比遭喪哀敬交篤春秋將享飭籩豆惟謹
僉以是稱孝婦長恩喪怙甫七齡耳太宜人不以其孤也而姑息
之教讀書朝夕弗懈稍長則延名師取益友以淬厲之旣領鄉薦
聲譽隆起益以遠大期之羣從多雋才衿佩接踵延以課孫待之

有加禮九宗三郇時振其困纖毫無德色長齋奉佛而足跡不入
庵觀僉以是稱賢母余嘗謂史之有列女傳也猶詩之詠柏舟關
雎也關雎稱好逑而柏舟守義則凡後世閨門之內其處順遇變
克保令名者宜皆爲史家所錄然自魏晉以降所載多節烈之事
如范史班昭穆姜輩寥寥罕聞豈非平時之靜好易敦而遭變之
設施難盡扶世立教者必有取貞節苦行以示之則乎

皇朝垂定制禮部以節孝旌者歲率數百人聲教所暨六幕同風
無論世家右族單門陋巷之女多卓卓有以自立仰有以承其先
俯有以啟其後於家爲令子於國爲蓋臣皆列女傳中之家法也
而若太宜人者又何歉之乎夫請

旌之舉登年之紀第人子之恆情也長恩方盛年躬受慈母之教其益勵爾修昌爾學策名仕版踐履清華以大慰寢門期望之心而馴致乎百年人瑞之慶豈有艾也余雖不獲登堂執爵爲太宜人壽而願以此言券之是爲序

同治十三年焉逢遏茂歲相月中澣宜壽之辰

賜進士及第翰林院侍講侍生張之洞頓首拜撰

陳太宜人五十壽詩

陳 勸

里黨賢聲著閨門淑行彰柏舟貞素志蘭膳侍高堂課督芸窗業
枝攀桂苑芳義方由母教彤史足流光 寶婺騰輝日金風薦爽
天孟蘭開盛會慈竹頌延年

誥錫鸞迴字詩歌燕喜篇顯揚欣有子遐福慶絲絲

曲阜

孔憲毅

先是鍾靈日最奇寄生佛國卽生時親調藥石身兼子手和熊丸
母亦師苦志鍊成金石壽貞心遭盡雪霜欺料應二十年來事惟
有中元夜月知 嗣君今果隸賢書潛德幽光信不虛佛證三生
乘月皎恩周十室利波餘香霏萊綵風多煖瑞靄萱枝日正舒會

待鵬程雲翅展重膺

鳳詔麗華裾

李紹椿

頴上推名族羣欽壺範芳德星常聚耀寶婺共爭光自少稱貞靜

于歸仰淑良宜家懷絡秀同夢兆蘭祥別鵠悲聲起丸熊和膽嘗

蘋蘩修內職榛栗奉高堂綠釀留賓酒紅陳濟急糧仁風周里黨

勁節勵冰霜仙苑花啣鹿金閨佛繡鴛靈萱千日永秋桂一枝香

雛鳳音齊徹名駒譽早揚斑衣成隊隊

紫誥錫煌煌競進南山頌宏開北海觴願隨珠履客拜母祝如岡

周晉麒

清商奉秋曲明月照玉堂玉堂何所有輝煌燈燭光燭光共明月
照耀錦屏幃屏幃集仙咏歌侑壽母觴壽母節而孝里黨久稱揚
行年二十六對影痛未亡辛勤育遺孤艱苦備親嘗丸熊課乙夜
晝狄媿歐陽秋風雁飛度旋飄丹桂香南宮膺鶚薦雲路看鵬翔
男兒思報德親恩首難忘

寵受金花誥榮披紫霞裳森森桂蘭玉分甘滿孫行借問世間人
此願孰能償幸逢艾慶期偕祝壽如岡聊爲撰俚句權作介壽章
會看

旌典下

天語宣琳琅

張晉

龍紀十三歲甲戌昏中建星旦中畢親朋祝嘏武陵君節屈中元
壽五秩宜人之賢眾所知我復何能道其一昔與贈公作雷陳往
來詩酒無虛日嗣是少君列吾門瞻謁慈雲有足述始襄中饋繼
尸饗仰事俯蓄兩無失孝養王姑十餘年哺乳和衣親侍疾丸熊
課讀守青箱媲美敬姜論勞逸奉先思孝接下恭侍婢鄰嫗倍矜
恤温恭淑慎儉而勤宜爾子孫歡繞膝少君高折桂宮枝繡鳳雕
龍具手筆邇來捧檄博

榮恩慶滿里閭歡四溢卽看蘭桂滿庭芳萊綵爛斑舞萱室同人
集詠侑壽觴彤管揚徽成卷帙我今爲母作俚言願祝康強與逢

吉

董沛

冠蓋紛紜集華堂
敞綺筵大江秋月好
曠宇壽星圓同調共姜什
徽音杜預編

旌門符定制頌

詔待明年 令子吾同譜
因修拜母儀通賓原置驛
作啟爲徵詩
課讀孫攜硯承歡婦捧卮
翟衣榮命服獻頌到期頤

龍紀十二歲甲戌昏中...

五伏立人之賢眾所知...

新爾將繼與承燭敬執...

臨奇把手命于晉同...


致門於玄脚與美...

齋音林野謙儉而勤...

族益絲絲謀華堂...

董

吉



誥封宜人華母聞宜人五十祝慶序

光緒紀元之十有四年余奉

天子命視瀾學其明年按試四明拔華生啟陽冠郡學生鄞人鄞
故號才藪生尤特出未冠卽爲前政瞿子玖學士所賞異補博士
弟子旅謁時余見生貌恂恂儒雅望而知爲績學之士嘗以詢其
鄉人則生固才且賢者蓋有家教焉調省肄業暇日謁見詳詢家
世乃知其尊人

誥授奉政大夫小齋先生居鄉有古君子風尤嚴義方之訓繼配
則爲

誥封宜人聞宜人生其所出邇年先生目失明家政賴宜人經理

其教子而俾底於才且賢者亦宜人之力居多也是時先生年七十有三生以違親遠仍歸里讀書越二年宜人亦年五十矣三月二十一日爲設悅之辰生請余文以爲壽余以宜人能相先生以教其子也故樂爲之序謹案其略曰宜人姓聞氏鄞縣附貢生葆初公次女自幼習聞書史通曉大義嫻於禮儀織紵組紃酒漿籩豆之屬從事惟敏惟謹年二十二歸先生爲繼室先生昆季五人序最少友愛逾恆逮諸昆繼逝視猶子行如己出宜人佐之克諧娣婦勤謹謙和久而無閒故分爨垂四十年如同居也方宜人之來歸也季女猶在室未行宜人料量資遺視諸姊有加前室子蚤世撫育遺孤教養備至矜恤豕婦恆嘉善容過先生或不怡累日


宜人則委婉解釋之必憚乃已故數十年來家庭之間處逆而順
性和厚未嘗以疾言遽色加人體恤臧獲輩纖悉周至祭祀賓客
歲時饋遺必從豐腆親鄰緩急量予之無吝色周貧乏卹孤嫠汲
汲然如不及而自奉極儉約裏衣雖敝甚不棄持家綜理微密然
恆持大體不爲苛細自庚辰歲先生失明尤任繁重迄今外內并
井無不當先生意者年近三十始生啟暘爲先生仲子伯仲析產
宜人輒讓多取少曰是兒而不賢耶何多取爲其賢耶又何多取
爲自幼督教之不稍事姑息及就傅督課尤嚴自塾歸必問所業
嘗訓之曰同一讀書汝與他人有閒他人可一月汝止可一日他
人可十月汝止可十餘日能時時領此意其庶幾乎於乎觀宜人

所見由前之言則知其子之所以賢由後之言則知其子之所以才若宜人者可謂善教子者矣今先生有孫男三曾孫男二女一自孩提時宜人卽教以禮義俾循循於規矩中暇則誦釋典以消遣顧長齋禮佛者二十六年而不惑邪說蓋非溺於彼教者比也此亦足以覘宜人之識而所以教於家者爲有自矣夫學政職在教士而欲使各屬郡縣賢才蔚興匪惟賴賢父兄薰陶而成就之亦往往有賢母氏之助焉易曰家人有嚴君焉父母之謂也惟嚴可以爲教然則母教之嚴其足爲父教之助者非淺鮮矣今宜人能相先生教其子俾其子率教惟謹旣以賢孝聞於鄉其嗜學汲古文采斐然又爲其鄉人所稱道余之重生者在此余之稱宜人

爲善教者亦卽在此若夫生英年銳志指顧扶搖自爲諸生後旋
食廩餼貢成均由是掇取科第芥拾青紫凡所以遂顯揚者則固
其意中事耳生試以余言質諸先生而卽以爲宜人壽焉其可乎
龍馭光緒歲陽重光歲名單闕律中姑洗之月全澣宜壽之辰
賜進士出身

誥授中議大夫 經筵日講起居注官提督浙江全省學政詹事
府左春坊左庶子加三級通家侍生潘衍桐頓首拜撰

不若宜人者可謂善教子者矣子之



孤本春與孟漁羊賦三鄉取寒利主

岳對中端大夫入跡談白鬚賦

顯義士出良各編郡

諸題次辭賦題重次

其意中事耳坐起以

食類新頁數以由

氣善楚音衣唱

郵祝

誥封宜人華老姻母王老宜人五秩悅旦

余司訓樂成之二年華君小湖於溫州郡城創立質庫以便貧民而身總其會計小湖君與余兒子爲姪而實余舊友也論年當以兄事溫轄樂地相去止三舍時時過從情好加密壬辰年正月五日爲淑配王宜人五十悅辰其長君幹年述諸親友意節其素行書來乞余言壽之余與小湖君交最久復繫以姻好其二嗣君皆嘗從余遊故知宜人甚悉今乃得其略而益信也宜人爲小湖君祖母王太宜人歸孫女其祖東旭太翁年登九十例晉壽官父全楷親翁以岐黃術活人一生小心謹慎母氏陳孺人生八月而失

恃賴祖母余盡心鞠育以全年七歲祖母又見背始受撫於繼母
迨繼母叠生弟妹凡保抱提攜之事能分其勞及長饗殮縫紉皆
相爲力用是得繼母歡願艱得快婚及笄數年猶待字歲乙丑小
湖君元配盛宜人繼君姑盧太宜人逝世易篋前一夕與小湖君
謀所以代己者力舉宜人緣舊姻稔知其賢也於是聘焉丁卯冬
逆以歸盛宜人遺一子幹年時甫幼學宜人撫如己出卽有過或
加督責惟殷殷以成材望小湖君銳意進取往往遊學他方旣入
泮猶讀書省垣書院家政無大小一以委之宜人值家中落料量
爲難宜人謹其出納凡事皆先以身家人咸知愛惜物力無一冗
費至奉祭祀供賓客則必豐必潔視常有加不形省嗇之迹而歲


出減前什四五逮後小湖君見材當道家復振援例貢入成均得保舉歷晉職銜長嗣君幹年應辛巳科試補博士弟子員旋由附貢於海防案內保舉鹽大使又以海運功加六品銜次嗣君冕英報捐卽用巡檢均登仕有日宜人亦差自慰矣然小湖君連年奔走迭主電報局招商局今又羈身甌郡家中事皆主持焉自丁卯至今二十五年其間婚男嫁女靡不周至今則長孫光衢已習數經次孫光甌亦旣學步女子之適范適王者亦各生有外孫盈庭繞膝樂何如之顧前此之勞瘁亦復誰與比而宜人且猶有餘力綢繆母家爲父母營窀穸爲仲弟娶婦二妹皆具奩嫁之其季卽余兒婦也此尤其拮据從事者矣宜人嘗自謂不幸作女子身無

由光大門戶今小湖君所以得光大門戶者顧非宜人內助之力
耶初以小湖君職經歷封孺人繼加州同封安人今晉五品銜於
是以宜人封又以兩嗣君階秩疊膺 寵命天之所以報宜人者
亦云不爽矣而豈僅此哉宜人年登半百精力方強其於內政黽
勉猶昔小湖君益得盡力於外恢基拓緒正未可量不惟與小湖
君偕老齊眉蔚爲人瑞而兩嗣君之顯親揚名與夫諸孫輩英英
繼起且企踵待也諸君子其以余言藉晉一觴爲宜人慶而卽以
稱慶於小湖君旨在

龍飛光緒元默執徐歲太簇月上澣宜壽之辰

例授文林郎揀選知縣 敕授修職郎大挑二等溫州府樂清縣

儒學訓導庚午科舉人姻侍生姜顯瑞頓首拜謹



初以少湖... 故宜入... 力至不... 勉雅昔... 為借老... 起且企... 學鳴... 與中... 舉人... 歐... 封... 主... 美... 懸... 蘇... 帥... 首... 拜... 貽... 澤... 州...



張太孺人五十壽詩

郭謙益

人生雖命阨能守卽能昌爲善無不報天道豈渺茫試觀松與柏
始生在山傍蓬蒿困無迹樵斧亦頻傷迨其成大木巍然峙八荒
今有華氏母立志豈尋常于歸年十六誠孝事姑嫜克勤復克儉
婦道自彰彰踰年得一子合門慶弄璋誰知命多舛夫君忽悼亡
母年方二十苦志費彷徨撫孤心堅切理家法精詳暇時誦經懺
齋素心不忘從茲十餘載厥嗣亦軒昂忠厚自成性拳拳守義方
娶媳稱賢淑於古媿孟光母年今五十居處壽而康家業隆隆起
諸孫已成行福壽齊臻美允宜共稱觴余雖桑梓誼未獲登母堂
茅生母姻姪持幅乞詩章余聞心慕切數句聊稱揚賢哉華氏母

松柏共輝煌

又

趙鼎仁

慈宮毓慶頌萬年壽寓鴻開仙輿駟井梧挺秀古柏茂鱗結崑姿
方穎然西池王母來東海影影玉妃舞萊綵醺醺解綠煒寫彤眾
述懿訓生光彩曰母之孝訓佩李西平曰母之慈法皈楚玉瑛蔣
被陳鐙儉中禮嬖礎郭曰勤且精中道忽破青鸞鏡黃鵠悲號賦
薄命柏舟苦節矢共姜古井水流心不競上邀天鬻祇釐集養戩
虞堂今五十眉梨頤穀萃坤淵釀作楊枝瓶中汁矧復生兒富文
藻巨手五鳳樓獨造飛黃騰達轉瞬間
綸綍行看錫萱草德者福基仁者壽更有芳名垂不朽會待他年

祝期頤重復張筵觴艾酒

又

劉鳳章

歐柳儀型著歸然號女宗持盈身自約守素禮彌恭彤史青芬播
商秋令序逢艾齡方衍慶綽楔荷

恩醲

又玉堂春

張世訓

寶婺騰輝朗璇閨矢操清卅年霜共雪兩字孝兼貞晨膳高堂潔
昏燈漆室明
旌門

朝寵賁艱苦閱平生有子劬勞慰多孫福祉縣延釐登艾歲介

壽做華筵悅耳歌笙雅歡顏舞綵妍長生齊晉酒喜氣溢庭前

又

毛彥

蘭馨桂馥艾齡新天意加培苦節人別鵠淒彈三載恨名駒調護
百年身經翻貝葉參真諦座湧蓮花悟夙因今日萱幃齊祝嘏一
枝先發玉堂春

又

袁信芳

霞觴介壽啟華筵茹苦含辛已卅年女史自鐫茗玉句風詩早詠
柏舟篇桐籌算鶴符三益

芝誥銜鸞錫九乾綽楔榮邀

天語獎綵衣況看舞聯翩

又

陳熙績

離鸞一曲動悲情十九韶華矢志貞
休問春來楊柳色不堪夜半
杜鵑聲夫猶未葬夢魂擾我不辭勞
窀穸營巾幗丈夫爭共羨久
從梓里著賢名
正值新秋雁帶來華堂介壽喜筵開
當年心事
餘燈畔殘月淒涼掩鏡臺從此長齋奉繡佛
記曾苦況撫孤孩榮
旌綽楔頌

綸綉輝映庭前綵舞萊

又

盧友焜

中元令序祝延齡寶婺騰光燦四星壽叶箕裘凝福祉教徵荻畫
著儀型貞柯秉節高宗邨慈蔭流祥徧戶庭鶴算今方符大衍臚

歡萱幄晉仙醺

又

陳勤

卅載貞心老益強
撫孤成立繼書香
蘭孫今復堦前茁
坊表行看綽楔揚
觀燈節後會金仙
雪藕冰桃佐壽筵
婺女星邊騰喜氣
艾齡慈母未衰年

又

陳德坊

籌添大衍晉霞卮
彤管流徽著壺儀
休嘆冰霜深閱歷
柏舟詩後闕宮詩
自昔歌興別鵠年
贊襄家政重仔肩
清才勁節稱三黨
少室名齊太室賢
天賜麒麟在抱中
辛勤養就羽毛豐
堦前更喜叢蘭發
三十年來慰苦衷
綺筵今日敞華堂
繞膝齊稱介壽

觴欣看高閎旌綽楔青鸞啣下

詔煌煌

又

邵湛霖


婺宿騰輝候萱榮擬八千三秋當首序五秩祝遐年哲嗣呈斑綵
文孫集寶田兕觥稱有慶鶴算頌來先暖到長生樹香流益壽泉
柏松常鬱鬱瓜瓞自緜緜天錫無雙福人懷第一仙登堂恭介社
愧乏筆如椽

又

黃元吉

雲璈曲奏卻值蓮香候南山祝北萱茂綠衣盈綺席絃管慶眉壽
蒲桃熟壽添海屋斟椒酒青鳥啣朱綬秋色輝婺宿洞仙歌遙

相侑桂挺一枝芳蘭茁四株秀待他年泥封先兆祥光透
調寄
千秋歲



Faint bleed-through text from the reverse side of the page, including characters like '千秋歲', '相侑桂', '一枝芳', '蘭茁四', '株秀', '待他年', '泥封先', '兆祥光', '透', '調寄', '千秋歲'.

十六世祖良一公墓記

我祖良一公諱松配姚孺人譜載葬青木香地是處古塚甚多無從識認證以采七房邦爵公墓圖始知與良三良三四及玉七玉十八並我十七世祖玉八三合葬焉再詢族姪載丹則確指今葬處載丹年踰九十少時嘗從其大父遊凡族中古塚大父曾一一告知故至今能道其詳第四圍侵削已甚幸族內我三姪孫買歸坟前後田因向其劃田貳分添淋坟腳加築餘地始聳然復舊觀焉爰記其顛末如左

光緒二十年甲午歲季春月

二十五世孫志青敬誌

十七世祖伯山公墓記

我祖伯山公行玉入三譜載葬廟聖寺東龍舌查惟雁宕有妙勝寺其東確有龍舌而施山則無考曾祖耐菴公筆記云尋墓至施山族姪士才指今葬處爰置坟後田貳畝並魏家屋後田柒分贍祀祭掃近知伯山公父良一公葬處證以墓圖有伯山公附葬青木香地之說三說歧異未知孰是第是處設祭已逾九十餘年不能不循其舊然亦不敢信以爲真爰記此以待考正

光緒二十年歲次甲午暮春月 二十五世孫志青敬誌

伯山公墓記

十六世孫志青

明故工部營繕清吏司員外華公墓誌銘

謝泰宗

天愚

昔宋戴公子考父說采於華因氏焉後晉有名平者爲徐州西曹與蘭亭宴後有名茂者爲上虞令家焉其裔遂徙邑施公山凡二十有三傳而得公公諱顏心齋其字父夢一書生入其室自稱顏淵寤而聞公生因以命名幼誦過目不忘長遂通五經諸子好古文詞斷自西京而上試童子科弗利也公謂卽博學鴻詞奈我何二十五試諸生明年補旣廩四方負笈至者層繭重趼夔立弛進見教一高言若飢十日而享太牢無不人厭其志也門下徐昌者每子夜捧書而泣問之自言久闕贄重負先生教也公卽分束脯贍其母與徐同爨而食矣公居靈緒濱海凡就蒲羸市者必有所

爲主邑大夫命公主之公曰此鄉先生之例諸生敢踰分覬也其亦自愛羽儀何公尤善書法爲倒薤懸鍼之伎一字千金故不特以文也大帥楊忠業致祝詞於都御史高公祈公代也公以其未嘗躬懇弗應也而高必得公爲榮寵則大帥豈惜屈體哉若朋友周旋又未言而先諾矣久之赴湖郡潘尙書之請所稱四公子者剛戾士哉公與之處忘爵祿而化卑矣且爲延入國學就北闈試庶幾脫迹有日耳一日者公子捧三千金券乞代草闈中諸事無慮也公捫其口此滅族事斯言何爲至於我哉請勿復見遂遜之他寓己酉中順天式癸丑射策甲科太監曹榮以幣先乞公之書旣又親候之乞公文公但草唐詩數行以復且曰內外絕交通之

誼誰敢犯關節亂王章卽匪彝以自隕尤非所宜於新進書生也
不然者奚做帚之敢愛內豎聞之亦稍戢其盛氣也明年授工部
營繕主事又明年陞本司員外會楚商解巨木進公將覆按而收
之一掾吏捧筓跪曰此土物愛者亦廠例之所有公怒曰汝謂任
土作貢例固有之耶朝廷量材計功將作匠盡有訾程事律豈謂
得高下手效狙儉所爲豈不聞丈尺一綽制乎王官私君事去遂
移送司寇矣戊午秋堂天子命公主粵西試夏六月單車抵濟南
疾作卒於館驛明年五月三日喪歸卜葬靈緒龍山之陽享年六
十有二生於某年某月某日卒於某年某月某日子一人曰嶽大
學生余聞公在潘塾有除夜詩曰年年作客逢除夕作客年年何

日除淒然士未遇景也乃貧故誨人反贄而瞻其母斯其志固非
商賈金能易矣高自位置睨大帥若小兒其辭中貴文又何嚴而
不惡也無亦束於腰帶乎固知士得肆其志正在淒然時耳卻重
利於潘所以獲保首領於濟之署也是爲銘銘曰經術好古原非
絳灌所能伍一字千金又豈寵利之可淫柳下惠自愛其鼎屈大
夫人醉獨醒雖世俗未償而千秋已芳卽立言不朽而平格自壽

皇清敕授儒林郎布政司理問梅谷華君墓表

君諱炳麟字書祥號梅谷姓華氏先世由無錫遷鄞元時有官定海者遂家於定實今之鎮海也後復由鎮海遷鄞卜居郡城小梁街曾祖諱芝芳敕贈儒林郎祖諱學成敕贈儒林郎馳贈奉政大夫考諱良珮敕授儒林郎誥封武德騎尉誥贈奉政大夫妣樂氏誥贈宜人王氏誥封太宜人自君祖父以來以好善稱鄉里君克承先志如葺廟宇施藥物皆遵行弗怠郡中創設水龍會以禦火災備器械嚴約束其制度章程纖悉周至多出君指畫後踵其事者相繼其他輸餉助賑及郡邑有大興作靡不踴躍以成其事年未及艾以疾卒於家鄉黨惜之君由國學生議敘鹽運司知事加

一級晉布政司理問敕授儒林郎生嘉慶十四年九月二十四日
巳時卒咸豐六年九月初九日亥時年四十有八歲配沈氏敕封
安人廣東提督諡勤毅公三女副室朱氏劉氏朱以子職敕封安
人子國勳國學生議敘布政司理問女適奉邑國學生鄔紹元俱
朱安人出孫瑞彬瑞煊同治十一年十月二十日葬西洋港之原
中爲君藏中右爲沈安人生壙左爲朱安人生壙右祔劉氏國勳
以狀乞文揭諸阡爲詮次如右

姻世姪陳勸撰并書

清故儒林郎 誥贈奉政大夫華君墓誌銘

賜進士出身順天府府丞太和張灃卿撰文

賜進士及第翰林院侍讀南皮張之洞書丹

廣西知縣揀發江蘇知縣同縣陳勸篆蓋

君諱炳濤字銘松號簫苞鄞人先世居江南無錫忠臣豪孝子寶其遠祖也宋南渡時有百祿者由無錫遷甯五世祖宏至元己卯省元仕定海今改鎮海吏隱施公山又十三傳至國朝康熙間諸生岳徙郡城爲君高祖曾祖國學生芝芳始居小梁街祖學成儒林郎積累起家好急人難里中稱長者父良珮儒林郎貤封武德騎尉贈奉政大夫忠厚勤謹稟承家法堂構之基增其式廓前母

樂宜人母王太宜人襄理內政咸有條教樂宜人生子二炳忠封
武德騎尉出嗣仲父炳哉國學生王太宜人生子四炳麟與君及
弟炳鑑並布政司理問炳瀾同知銜君少聰穎銳志攻讀嘗遊同
邑金明經培林王大令楚材之門目爲遠到嗣念父已高年宜分
任繁劇年十八棄鉛槧定省之暇兼顧內外所以娛色笑爲繼述
計者唯恐不及道光丁酉丁外艱喪葬無違禮王太宜人以食指
日繁命別籍君於舊第之西新築數楹迎養母氏昆季怡怡一如
同爨孝友之行人無間言生平簡默和易人多樂與之交遇親族
恩意周浹有祖父風配范宜人國學生上瓚女孝敬賢淑克嗣徽
音無子副室陳太宜人與范襄事君姑能得歡心范卒後姑病風

十餘年臥起需人侍奉不離左右持家有大體茹素衣布而性好施與生子長恩君延師課讀嘗曰我不能畢志讀書他日於此子有望焉道光三十年十月二十四日君卒年四十時長恩甫七齡陳太宜人年未三十矢志撫孤以長以教凡君所未竟之事尤汲汲焉咸豐辛酉新宅燬於兵火命長恩重構之長恩敦行績學以英年掇巍科是故累世積善篤生俊偉以昌大門閭而實由母教有以成之也長恩爲余丁卯浙闈所取士由揀選知縣晉同知銜得贈封如例前年甲戌有司上陳太宜人節孝事荷

旌典里黨榮之子一卽長恩孫二瑞浩瑞三范宜人卒咸豐三年四月十四日年四十六與君同葬鄞東南鄉丁灣之原陳太宜人

卒光緒元年六月十九日年五十一長恩卜是年十一月二日奉

柩合窆先期郵狀來請銘銘曰

天道福善胡促其年聲清雛鳳羽翩翩然教誨爾子賴母之賢
綸綍下逮榮賁泉臺山圍水繞丁灣之隈佳城鬱鬱栽者是培

清例授修職郎者莪華先生墓誌銘

李東沅

先生諱菁字者莪世居鎮海縣之施山讀書識大體弱冠舉茂才
敦孝友重然諾一鄉稱善士焉咸豐庚申五月卒年四十九配鄭
氏勤儉端莊年六十七卒時光緒乙亥六月子四長佩蘭嗣兄英
後次毓蘭嗣弟芬後次慶蘭俱克勉承先志次春蘭早世女三長
適陳次適陳次適黃孫文淙慶蘭出謹筮光緒四年九月合窆於
紅板橋新塋坐艮向坤兼丑未銘曰
澹泊明志孝友恂恂不
求聞達自樂天真何期奄忽永絕音塵式鑄貞石世播清芬

宋間我自樂天真何世守慈派學音學左離良百世
 登地爾得坐坐見向世兼丑未論曰
 謝刺太徽刺太徽黃新文新與蘭出蘭聖光辭四平六月合空外
 對大無蘭蘭策其對大與蘭則京煥承去志大春蘭早世文三具
 丑也劍識其平六十平相光辭乙亥六月十四是蘭蘭泉英
 尊李文重然諸一傑淋善士無短豐夷申正月卒年四十六頭漢
 夫主新善字香拜世居馳無親之蘇山齋書齋大豔既玩舉效本
 壽國對到淵源香拜華夫主墓誌論

李東元



誥贈朝議大夫國學生軼青華先生墓誌銘

蛟川軼青華先生歿後閱五十餘年其孫梅卿昆季輩始述事狀書來京師請曰惟我先祖勤儉持家嘗訓父輩以大義今子姓繁衍家業隆起者其來有自第先祖歿時家適中落墓上之石迄今未有刻辭執事幸爲我成之余於華氏薦蘿新附先生嘉言懿行雖未獲親接諸耳目然嘗聞其內外宗姻舉以爲法用是有徵敢受狀而經緯之先生諱鳳翱軼青其字也國學生系出南齊孝子寶先世有諱宏者巡宰施山遂家焉曾祖文獻邑庠生祖成錡父學深國學生昆弟四人先生序居末幼明敏稍長知大體事父母以孝聞與諸昆怡怡如也性豪爽論交多慷慨人樂與之遊以故

戶外之屨常滿然非世之和光同塵者比不屈節以謂富不倚勢以凌貧爲人排難解紛鄉黨中賴其調停因而無事者不能更僕數日督諸子以農賈課暇則與族之父老縱談今古事議論透徹聲音宏亮達戶外鎮日不倦晚年鬚鬢雖蒼然丰神矍鑠猶覺精光四射蓋胸中具有經濟惜隱於市塵不獲稍展耳以孫戒三職得贈如其階生於乾隆庚子五月初四日卒於道光己亥五月初七日配戎恭人相夫教子綽有賢聲生於乾隆辛丑三月初一日卒於道光庚戌十一月初四日季子啟昱擇地營兆合葬於施山老塘下雙眼池之原子三啟晴啟昞啟昱女二適林適周孫男十一人孫女九人曾孫男十九人曾孫女十八人元孫男十人元孫

女五人熾大熾昌皆先生積累所致也夫潛德幽光歷久必發然非得賢子孫繼起亦誰爲之闡揚今梅卿昆弟輩恐先德弗彰修葺瑩墓復惓惓請文以示後嗣可謂孝矣宜並書之爰系以銘曰
伏龍山派遙注於茲鬱爲佳城君子攸宜 長發其祥克昌厥後
勒諸貞珉千秋永壽

賜進士出身

誥授中議大夫

賞戴花翎

記名繁缺知府

記名御史刑部

江蘇司郎中軍機處行走加三級姻再姪陳邦瑞頓首拜撰

之慶... 光... 不... 前...

... 人... 解... 中... 其... 調... 停... 而... 無...

... 酒... 中... 軍... 變... 行... 去... 或... 三... 應... 敗... 再... 致... 期... 決... 誰... 敢... 肯... 再... 搥...

... 對... 中... 如... 太... 夫... 外... 實... 燠... 芥... 附... 隨... 隨... 各... 黎... 越... 映... 秋... 幸... 留... 各... 聯... 史... 既... 陪...

... 顯... 徽... 士... 出... 良... 中... 具... 有... 經... 濟... 借... 隱... 於... 市... 塵... 不... 變... 和... 展... 耳... 以... 孫... 戒... 三... 壽...


... 祥... 禧... 貞... 挺... 干... 焮... 派... 壽... 隆... 庚... 子... 五... 月... 初... 四... 日... 卒... 於... 道... 光... 己... 亥... 五... 月... 初...

... 升... 龍... 山... 飛... 靈... 松... 然... 茲... 變... 冥... 封... 姓... 香... 干... 外... 宜... 是... 經... 其... 報... 哀... 昌... 風... 送...

... 其... 登... 墓... 對... 對... 請... 文... 以... 示... 祭... 隔... 百... 隔... 幸... 矣... 宜... 並... 書... 之... 矣... 祭... 以... 諭... 曰...

... 其... 得... 寶... 千... 系... 繼... 成... 衣... 詣... 盆... 之... 闢... 是... 令... 壽... 輿... 且... 求... 輩... 恐... 夫... 壽... 喪... 遠... 送...

... 文... 五... 人... 繼... 大... 繼... 昌... 皆... 坐... 坐... 蕭... 累... 洩... 煙... 出... 夫... 謝... 益... 幽... 長... 想... 入... 必... 終... 然...



輓子卿姪

植秀桂

噩耗傳來淚欲流，清談猶憶集中秋。
定知黃甲魁金榜，豈料青庚赴玉樓。
幾戰文場空拔幟，半生人海載虛舟。
竹林雖杳情何極，使我腸迴日數周。

成婚彌月遽云亡，里黨傳聞孰不傷。
樹舞文鸞空有喜，舍來怪鵬太無良。
慘聽老父悲長別，忍見新娘換素妝。
蓋世英才真可惜，夢魂多次哭賢郎。

偕游常是在良辰，從此三賢少一人。
昔日推敲能得趣，去年倡和倍相親。
空教遺挂留塵閣，長使荒墳對水濱。
小閣清風明月夜，幾回酌酒想前因。

風水相關劇可憐，乃翁搔首問青天。
人欽志向留前日，我謂英雄出少年。
滿望雙祧能啓後，焉知獨子不承先。
而今端的歸何處，徒有親朋撰弔聯。

取送大興贊頂

太無真對無才父，悲是眼原長。祿敢將秦鼎，蓋世英木真。可計夢
氣散而良數云，寸星窈窕圖。碎不粉，憐幾文。寶空百喜，舍來對。謝
好觀。既日。樓風。

以王蘇贊澤文，點空對。謝半主人，將蘇。似。世。竹。林。觀。香。計。可。蘇。對。
盡。拜。謝。來。感。浴。而。清。痛。餘。創。集。中。妖。宝。賦。黃。甲。銀。金。詩。豈。深。寄。氣。

博于觀致

蘇

長林

哭子卿姪

恆祥鳳賓

蕭蕭孤立祧雙傳每思汝曹少比肩撒手竟難留片刻撫膺何忍
話前緣娶來新婦兩三月別去老親六十年數載相逢真是夢不
知此後可回旋

昨宵執手尙依依何事今朝遽別離病累常年渾似慣死歸頃刻
轉相疑於今賞析我無友向日提撕君是師從此音容成永隔悠
悠見汝更何期

花落花開不忍看衰存壯沒恨無端自憐體弱心常怯更憶唇亡
齒亦寒鎮日徒多肝膽裂竟宵難慰夢魂安生離可暫今終別那
復重邀笑語歡

又姓

少壯功名志太堅傷離不忍看陳編良方徒把千金覓予曾商擬千金麥門

冬湯大壽空求一紀延十九日子等十二人往本廟借壽一紀塵世交情終已矣再生

緣會更無邊含悲欲話從前事泉下難將尺素傳

神昧發頰令資淋淋無文向日豈得長長相掛此音容似亦酬

謝會時手向對對何事今時數眼難尋半駢則贊我調

映此對何回就

蕭蕭雁立橫雙柳思成曾少出氣壯手竟難留杖履無雙

蕭蕭雁立橫雙柳思成曾少出氣壯手竟難留杖履無雙

蕭蕭雁立橫雙柳思成曾少出氣壯手竟難留杖履無雙

哭手眼致

對新

王宜人輓詩

郭慶恆

自與華元交已歷廿年久怡怡兄及弟皆與我親厚藉稔宜人賢
閨範媿歐柳姆訓嫻幼時歡心得後母于歸年踰笄繼室稱賢婦
貞良本性成慈儉殆天授元配遺一男撫養同先後女紅終日勤
儒素家風守兒女既成行婚嫁無所苟教子固有成相夫洵無咎
夫也人中豪大才可大受豈僅能文章錦心而繡口有時宴賓朋
招我飲旨酒宜人善烹飪嘉肴歌又有今年五十餘弄孫娛左右
寵誥待

黃綸多福祈白首奈何病纏身空使方懸肘惡耗驚斷絃噩夢符
炊臼人生大不幸中年喪其偶矧當花甲周閨中失良友此境最

難堪此情誰與剖惟酒可消愁不必計石斗但恐愁更愁酒杯徒
在手安得鼓盆歌忘情學莊叟茲已及三虞發紉駕靈輶一束置
生芻一觴奠黍醜伯鸞揮老淚德耀其知否泉下如有靈願爾康
而壽

又

陳振鐸

悲哉我姨母辭塵何忽忽憶我母氏德書不盡管彤自幼嫻姆訓
四教凜率從于歸相夫子舉案敬齊鴻米鹽親瑣屑井臼不辭慵
家政資佐理內顧免憂衷功名及時奮

寵誥荷花封庭下挺雙玉課讀勤丸熊俾懷義方訓騏驥奮追蹤
况稟慈惠性逮下和且恭眷族有貧乏推解恤困窮柔嘉協坤則

三邨頌聲同吉人自天佑遐福錫蒼穹定卜耆而艾嘏詞獻闕宮
胡促瑤池駕雲輶返遙空椒花甫晉祝旋傾天姥峯每念失恃後
叨被慈蔭濃靈護今又萎泣涕徒搥胸敢學薤露曲聊以抒哀悰

又

張 鑫

賢哉吾義母芳敷叶尹姑蘿附幸多年螺負峯又密登堂拜慈顏
常許親愛日侔徠相顧問懇懃頻我恤柔嘉本性成淑慎稱素質
內政勤佐理事事惟務實御下胥溫和外無所矢戚黨蒙提攜
鄉鄰感恩卹作事與居心一言難盡述憶昔值輓慶萊班作五秩
春秋徵備福芝蘭羨秀茁榮膺

鳳誥寵眾譽粝洋溢偶爾體違和逢凶諒化吉休戚素相關趨幃

頻間疾眠食雖少減喜可進參朮誰料促仙駕驀入王母室驚聞
爆竹聲回春嗟無術遺範空瞻仰拊膺增悼恍黯然賦別離愧乏
文通筆俚言聊奏輓願駐瑤池蹕

又

張承華

歲在甲午月丙寅越初六日乃甲申辛盤正飲屠蘇酒伴來報我
喪宜人宜人系出太原王設輓八月母云亡幸賴祖竹垂慈蔭七
年又慘隕嚴霜始從繼母受撫育姆訓是嫻身慎淑伯姊知分母
劬勞矧復女紅長擅獨待字深閨廿五年于歸望族續鸞絃每憾
翁姑不逮事春秋蘋蘩禮維虔孟光并曰必親操事無大小身先
勞家境中落有轉機內助皆稱女中豪夫君次歲卽遊庠斷機殷

殷勛樂羊遺雛是時方舞勺丸熊不惜課丹黃一索得男三索女
婚嫁爲兒諧鳳侶復以餘力及姻親弟妹女甥各得所夫榮子貴
從心欲庭前秀茁雙蘭玉方謂蔗境得回甘栽者培之因材篤那
知天心缺憾留昨夜婺星光忽收傷哉季女尙待年何堪撒手忍
仙遊不才誼亦託松蘿鷄黍曾承實惠多薤詞一曲相擬進敢和
蒙莊鼓盆歌

又

董沛

本自高門產來嬪幾卅年相夫原有道教子更稱賢雅擅梓鄉譽
殊悲蒿里篇生芻陳一束醜酒向靈筵

又

陸廷黻

自託通家誼曾欽女範賢相夫雙案舉教子一經傳
鳳誥看增秩鸞輿忽證仙黃門衰老感作賦倍淒然

又

姜顯瑞

賓主聯盟久深知閭內賢相夫無矢職教子總光前精力亦云瘁
音容不少延空闡揮淚者悽絕悼亡篇 勤苦謀家室恩還母族
申哀哀諸弟妹个个畢婚姻我以雷陳誼許諧秦晉親承歡兒女
在惻獨暗傷神

又

王振鈺

寶婺忽沈芒期逢佛定光釵裙懿範遠簪珥闔儀莊挽鹿支家儉
九熊課讀忙應知漆園叟難遣鼓盆傷

又

吳棻

元化精醫世莫如坤儀內助不勝書男婚女嫁勞心久夕膳朝餐
洗手餘著數纜分占歲壽桃符乍換耀門閭豈期明日逢人日王
母匆匆駕玉輿

又

郭慶新

五秩開筵僅二年婺星倏掩早春天仁慈克養家門福儉勤爭傳
婦道賢躬荷

鸞章方燦爛眉齊鴻案失團圓主持內政將誰託垂老潘郎倍愴
然

又

范雲棟

三
上
六
三
一
先
旨
一
別

憶從邢衛舊姻聯况乃朱陳復締緣愛女鍾情頻顧問館甥抱歉
費周旋祇期慈蔭常留庇豈料沈疴未許痊月冷靈幃人不見香
山空賦悼亡篇

又

陳熙績

夙仰名媛族望尊古槐鬱鬱至今存伯鸞况播刑于化德耀相隨
好合敦優待西賓勞主饋暢教北海喜開罇如何拋卻齊眉慶忍
聽夫君復鼓盆

又

李景祥

憶昔鸞膠續斷絃大家風範眾稱賢外鄉作客亦常耳內顧紆憂
豈偶然食德門庭期漸拓逼人婚嫁幸粗完如何忽重潘郎痛老

去猶教涕泗漣

又

勵振驤

名門伉儷夙稱賢
箕範應推五福全
鴻案齊眉簪紱助
麟階繞膝桂蘭聯
正欣愛日添榮蔭
詎料慈雲掩婺躔
自昔悼亡同寄慨
忍教老淚灑杯筵

又

陳源

曾記筵開五秩年
稱觴羣仰孟光賢
那知兩閱星霜後
萱影淒涼暮雪天
夫人真是女中師
內助稱賢豈譽辭
眼看兒孫齊繞膝
瀧岡行見表他時

又

陳達煥

風木吾今痛苦何未遑薤露和人謠誰知悃德難泯滅爲表金章
與玉珂 相夫教子兩無愆內政勤勤廿七年林下高風誰嗣響
王夫人入女箴篇 桂子蘭孫漸發榮一堂高會老山荆若教少
女羊車遣婚嫁年前畢向平 自喪鴻妻留井臼應呼魚婢抱衾
綈繩牀經案談容易苦行維摩未易脩

又

李廷翰

曾記萱闈祝嘏辰艾齡初屆歲華新緣何兩度星霜換椒酒辛盤
不再春 大家本是女中型舊族瑯琊德最馨自挽鹿車艱苦甚
紅羊劫後整門庭 孟光井臼習辛勤瑣屑躬親任孰分二十七
年支內政不教鹽米累梁君 兩世遺雛並告哀抱孫抱子費心

裁欲知晚景祥和兆蘭桂當年盡手培
頻年婚嫁瘁庭闈幸賦
宜家願不違一事九原應有憾
熒熒弱息未于歸
同心一賦到
華顛偕隱相莊羨昔年淒絕黃門頭已白
忍教垂暮聽哀絃


又

鄭德璇

毓質稱華胄賢侔古柳陶杖懸家法舊閭式女中高懿穆徽音著
勤劬內政操儉常培福澤榮合荷

封褒有子椒蕃慶當年鞠育勞含飴添樂事舞綵集仙曹
駕忽瑤池促輝看寶婺韜施蘿叨末誼惆悵聽歌蒿

...



...

...

...

...

...

...

...

仲兄性溫和善讀史書畫詩酒外兼工音律與嫂氏戎結褵
三載病故無嗣嫂以翁姑在堂勉盡婦道代子職守節三
十一年而歿得邀旌門殊典爰成二律以誌哀感

植
秀桂

褵結三年若夢中藁礎西逝痛無窮殉夫因有翁姑在接嗣還憐
兒女空夙志常存雙鬢白傷心惟對一燈紅家徒四壁嗟薪水度
口全憑紡織工

兄亡幸有嫂稱賢心似冰霜鐵石堅生不逢辰真可憫寡而無子
最堪憐矜名共仰千秋鑑矢志咸欽萬古傳勁節一生題未盡黃
封今日表門前

桂今日斐門前

氣壯辭存各共叫千杯盡天志風流萬古轉經猶一坐觀未盡其
只口幸育數辨賢心以水雷難百望坐不致氣真何謂真而無干
口全懸詩題工

良文空風志常存雙鏡白對心對性一盤珠寒掛四望製藤水
麻絲三平苔藓中藻蕪西世辭無讓厥夫因拜命故五對編數對

蘇
素林

十一平而題昇燈 致門報典送翅二群以赫哀恩

三鍾諒姑無編數以餘故亦堂燠盡敬散升平翻亦節三

中只卦盛味善驚曳書畫藉醉收兼工音筆與數丑在辭斷

雁字詩三十首

華顏

眼看烏兔走西東北雁南征興亦雄
金石韻成堪擲地龍蛇化處已騰空
豈無曲折鈎連巧時有均勻點畫工
共說雁臣知禮節年年秋拜大明宮

兩兩三三過影重遐天淨處好形容
冰紋畧掃難成譜雲篆初描未可封
或有訣書題永夜長將禿筆寫元冬
嘹嘹似訴行中路愁絕寒雲幾處峯

秋思牽情未肯降漫遊寥廓亦雙雙
衡陽過嶺無多路碣石歸雲又一邦
排就羽書皆露布題殘墨瀋有清江
倦飛何處尋蹤跡明月蘆汀白雪幢

遠天端不厭行遲引隊排連若有知學鳥不須離本體如龍今始
看遊移受風故着偏鋒勢對月明開列仗儀莫信化工真墨妙臨
池忽作有情癡

玉繩低隱度金微看得離鴻數點稀湊合巧時甯落落飛成白處
見霏霏淡雲潑墨含情好碧落爲臺放筆奇明月清風天路杳函
關何處問歸思

引隊呼朋遠舉初何如獨立自窺魚連翩有意成三體行草無心
倣六書豈傍星辰成法象自憐毛羽學襟裾翩翩已得凌雲氣不
用相如賦子虛

不惜風翎氣象粗但愁雲葉少模糊書成一二真堪數變作橫斜

亦有符幻跡豈容埋草澤移文應許遍江湖誰云物色勞天網儀羽高翔見大模

短翮輕翻不着泥長隨六鳥伴虹霓幾行瞥若從天下一字猶疑帶月題唧尾定知書有序並肩方許力俱齊空勞雁宕尋消息嘹唳樓前好仗藜

不緣汗漫歷天涯多爲乘秋發興皆莫破元黃垂象數卽調律呂有聲諧神通書案堪投筆影入妝樓好墜釵倒薤懸針隨意了肯同世法費安排

八月涼風有信回從來候雁避鳴雷遊仙入路雙飛鳥旅客登樓數舉杯流水灘頭成小草行雲天外點蒼苔吟情不爲思鱸興歸

雁江南亦可哀

一從行到幾逡巡欲作天書未認真脫落偶然成潦草飛揚端自見精神傳來太極原無象幻入風雲迥絕塵紫燕黃鸝歸去後白蘋江上許誰賓

將誇貝錦有龍文白雁歸來駕海雲曾與鵲橋爭布置每隨鸞女下繽紛衝開萬里青蘋路書破長空白練裙莫爲秋風搖落盡離離猶自叶南薰

不教龍馬負乾坤涉獵圖書有弟昆排筆似難分隸篆同文能復辨兒孫每陪夜月神同爽纔別秋雲體益尊浪說風寒寒不奈南來應爲答君恩

搖落深知塞北寒南飛故壘憶雲端乘風敢自埋文采得路終須
惜羽翰縱筆偶書牽虎帶迴文恰合亂珠盤卻愁日盡天邊遠猶
作銀河星斗看

南來應過萬重山列陣紛紛意向閒羊角風隨毫力轉魚鱗雲作
紫文斑相如翰墨堪遊蜀老子元文好度關何日得乘鴻羽便廣
寒仙桂喜同攀

一夜寒生枕簟先西風吹出雁行前天青高引霓裳舞月白遙騫
錦字連寫影莫成神女賦書空不用薛濤箋卻憐機上迴文女多
少相思手自編

洲前蘆荻影蕭蕭幾陣寒飛入絳霄高興欲隨鵬運遠和衷也解

鶴羣超縱橫，蝌蚪形偏肖。點畫風雲韻，自標排就不須防。繒繳碧
天如洗自神堯。

卽看禽鳥自成交，接翅連行有素交。共羨文明通象緯，不須品物
數珍庖。天空盡染青雲墨，野曠齊翻白雪旂。漠北風寒人影絕，漢
臣尺一倩人捎。

豈用臨池染寸毫，排將一字倚雲高。俱飛絕續終成列，得勢翩翩
不自豪。鯁直素同河上羽，葳蕤差亞謝家毛。詞人莫唱驚鴻曲，正
好停雲付楚騷。

尋常河上自婆娑，塗抹秋雲氣象多。幻出篆形傳野塞，漫將寒影
印江沱。應聞赤字堪浮鳥，不用黃庭好換鴛。何事數聲啼怨處，邊

城壯士盡橫戈

天邊有字似宣麻塔上曾題作大家藜閣火中吐白鳳銀河影裏
掣青蛇疑將淡墨描新月漫倚元文妬落霞怪說衡陽音信杳年
年秋伴漢宮槎

不須約束自成行一派同文寄夕陽賸有音徽偕鳳赤絕無鉛粉
學鴉黃少拖點畫形偏遠多挾風霜勢益張天路茫茫聊托跡槍
榆尺鷄笑誰忙

葦蘆沙畔晚霞明瞥見寒雲幾陣輕結侶數行如借力斷連一點
亦多情差池刷羽稱同調寥廓乘風豈獨清堪羨冥鴻行跡遠不
隨鴛鷺到宸京

秋來江上幾峯青
數點賓鴻似客星
隨意入雲成鼎篆
無心浴水失盤銘
石函應議仙人筆
天路誰傳羽士經
一任弋人張網闊
月寒霜白路冥冥

一夜西風河上冰
雁池此處暖雲蒸
高飛碧漢驕靈女
獨立寒塘類老僧
學字未成羞野鳥
寄書不到笑空乘
從來鴻羽堪儀表
莫用垂天羨大鵬

野外誰傳有素秋
幾行雁字接天浮
依稀點破青山去
灑落題殘碧漢遊
寫意不摹龍篆古
成文間卻兔毫迺
須臾排入遙空遠
虛擬龍蛇滿十洲

白雁從來出上林
羽毛不受片塵侵
數行偏入湘江眼
一畫應知

天地心圖就遙天裝寶額傳來白雪有鳴琴請看冰泮朝陽日猶
與佳人送好音

羽衣如雪影毵毵太素風流亦自涵拱就數行如拱北養成六翮
只圖南豈無飲食資磐陸應有文章點蔚藍今夜月明隨處宿不
勞漁父問江潭

衡陽歸去幾峯尖控地遙將白羽掀矯捍欲隨晴雪舞低徊恰避
晚風銛從無殺氣同鷹隼疑有閒情伴玉蟾一字入天從簡易不
教數點再重添

雁行不是寄書函快鶻前頭欲避讒明月寒分秋露白凌雲晴駕
朔風嚴稀疎自稱心如一次第相隨體不凡早晚好同丹鳳去雲

中應得幾書脚

不長清書函外歸前題為我讀即且寒衣想靈白
焚燬再重刻



知風說於誰野無回飄筆張育開計并王樂一字天
斯則融去崇峯尖野賦豈然白休想辭辨始刻翻雲
與前父問刀單

只圖南豈無為食資釋到烈奇文章操蕪蓋全齊且
其交收雲湯孫珍大素風前亦自函辨驚翅計收其
與前人去後音

天此心圖流送天樂寶簡轉來白雲育部琴箱香冰
料博測日露

記陳氏保孤事

錫山同宗
華剛

原泉公長孫百祿府君自錫山之定海十餘傳而宗弟心齋公名
顏登萬歷癸丑進士任工部員外郎遺一子太學生名嶽字山甫
先娶沈氏無出心齋公爲置妾陳氏端穆醕謹善迎翁姑意及事
主母無間言天啟辛酉心齋公奉命典試廣東道卒德州而沈氏
亦謝世陳氏奉封宜人劉氏劬勞家政心齋公又清宦四壁蕭然
陳氏甘作苦靡懈日以山甫未有子嗣爲慮苦令納侍兒夏姐未
幾有孕保護周至中饋率以身先暮年而果獲一子名瑞麟力爲
養育歷寒涉暑惟瑞麟之啼笑爲已欣戚且前請劉宜人曰宜人
嘗從任再至京邸今殊倦勤家不可無主婦敢爲夫主請繼室宜

人亦驚喜踰望卽命山甫續絃張氏後宜人卒張氏亦有子乳名
彩官陳氏鞠兩子如已出課瑞麟讀撫彩官凡奉上御下睦姻族
勤紡績事事精辦卽臧獲亦無不得其歡心而山甫方自喜有副
室陳氏里人亦無不爲山甫慶有此副室陳氏也無何今年六月
山甫倏焉厭世瑞麟止七歲彩官尙在抱耳則兩孤之於陳氏固
依之若命也且陳氏向撫兩孤恩甚渥卽兩孤亦不知己非陳氏
所出是固心齋公之靈及封翁晴峯積德之報人方爲華門幸而
張氏之父某甚不利有此兩孤尤不利有陳氏旦夕思去陳氏及
瑞麟母計以次奪其女志而冀得其產遂以蜚言毀陳氏宗人之
不察者羣起而譟予大驚走詢陳氏陳氏泣曰吾不可去且不可

死死則兩孤必遭魚肉夫主不血食矣且死亦何懼顧兩孩山甫子也吾分雖妾安忍避艱苦以便身圖若兩孩失顧後日何顏見夫主於地下予感歎其言兩淚崩下復探張氏意張氏曰吾止知與陳氏共生死耳遑識其他然則張某者何忍澌絕天理哉心齋公所構定邑新居餘屋廣閒不得不招人僦寓而施山祖居人眾冗雜俱非寡婦所宜居陳氏意欲覓深謹仁里暫爲棲止俟兩孤成立而後歸其見亦誠深遠張某反借端以肆其獍惡煽動宗族妄議蜂起陳氏持節義之大而身處危疑非鐵石其心有不爲所搖奪乎剛居無錫隆亭梅李鄉去定邑數千里前心齋公來掃墓時相見踰於肉戚且與山甫伯姪之誼甚深今赴陳鎮軍聘目擊

其慘中懷忿忿深恐悍侮疊來使心齋公微薄之遺失所倚賴爰
搆義邀同宗姪夏及先劉宜人伯仲請於邵大司馬薛太宗伯中
尊龔臬司陳鎮軍陳勘閱其鄉城屋址田園山地器皿記其數目
定其執掌俾勤苦節儉撫字兩孤其義僕羅春乃宜人躬爲撫養
擇配者司出納供給當不避艱險毋虞怨叢零贍資產以酬勞勩
餘俟兩孤成立分析合居各從其便自今以往雖同祖伯叔子姪
不許妄生覬覦姻親更無從干預予八十歲老人也不避仇怨恤
孤寡以堅苦節上答我孝祖及原泉府君之靈使心齋公與山甫
姪得瞑目無憾異日瑞麟彩官奉兩生母更無忘養母陳氏也其
可時崇禎四年仲秋

承聚堂祀簿

蓋聞祭祀之事必尊以產而設之規者所以展追報之忱使後嗣可以輪流供奉也惟我表兄華阿嘉萬盛嘉賓兄弟三人俱無生育更無房姪承祧先人之生死忌日亦盥薦並廢矣

安

等念親戚

之誼不忍坐視故於道光二十六年間爲始每年以春秋奉祭祀嗣於咸豐七年間得香火堂白虎首地基錢伍千文又得後首屋價錢叁千文共有錢捌千文爲此特與親華開邦華如鰲以及姪孫茂春等公同面議將其錢出存於經手處每年生息以作春秋年終三節祭祀之用如此我親阿嘉等兄弟三人及伊之祖宗可得長受祭享而

安

等之心亦稍可以安耳但年遠日久唯恐有失

爲此特立承聚堂祀簿一式兩本孫華各執壹本爲永遠之計焉

同治七年春

孫 奔安 華 開邦 同立
茂春 華 如鰲

各處墳墓坐向開載於後

東高地墓三座

坐北朝南

又 墓五座

坐南朝北

又 墓五座

坐南朝北有柏樹三株

又 墓兩座

坐南朝北墳前有地一則

中高地墓九座

坐南朝北有大小香連樹兩株

又 墓三座

坐北朝南有柏樹一株

又 墓一座

獨穴在田坎沿

裏西高地墓五座 坐南朝北有香連樹一株

本宗祠東首墓三座 坐北朝南有柏樹一株

高河沿墓兩座 坐東朝西

又 墓一座 獨穴坐東朝西

小路東首墓三座 坐東朝西沿墳有芋芳塘一橫一直

有塔下地壹則 土章公兌換墳地

有河下岸屋後地壹則

再者清明七月半祭祀言明每節用錢五百文不得多寡其散胙
奔安茂春開邦如鰲房長共計五人閑人毋得與分每年均定於
清明後一日七月十六日不准前後歲暮一節各有正事無須散

聖山志記 卷首
昨一直歸於如鰲當辦以免彼此輪值并照行

華如鰲處存錢陸千文 每年壹分陸釐起息

孫茂春處存錢貳千捌百文 利照式內捌百餘息

同治九年收孫茂春名下修香火堂錢壹千文

案此係官莊貞十派下查此派現住官莊者僅懷明懷忠兩
丁他徙未能徧攷錄其祀簿略爲刪潤備異日派下歸宗可
據以尋各墓之所在至序內所云阿嘉萬盛嘉賓兄弟三人
草譜失載因無行第礙難編入俟查有確據再行續補

遷慈畧序

我族百祿公由無錫遷鄞西武陵後元孫魁遠公巡宰定海

卽今鎮海

施公山遂家焉是爲遷施山祖若慈畧派則自先祖兆驥公始也

公去巡宰十八世巡宰五傳爲奇二派奇二三傳爲奇二小向派

小向九傳至兆驥公兄弟三人伯仲仍居施山公於嘉慶初年以

貿易挈眷至慈畧勤儉起家建住宅置田里設酒肆皆身任之斯

時先考暨伯叔年皆幼弱先祖男婚女嫁教養兼全實發祥之始

也屈指於今已七十餘年矣

彰

恐數傳後昧飲水知源之義故以

聞諸父輩者謹歷敘之以志不忘云爾

同治四年歲次乙丑孟夏月穀旦

同前四子銀突之在孟夏月二十五世孫

今作二
十七世 美彰謹識

聞諸父輩齊集祖塋之以志不忘云爾

出風節效今日之十餘年矣 恣嬉新發和增木世

胡夫善管叶琴平皆厚能夫脈長敬文親慈養兼全實慈邦之飲

實長率眷至慈恩慎創張寒數卦字蜀田里類西報習良丑之禮

小向代軒至兆觀公只榮三人計中份數疏山公飲讓對麻子以

公去歲率十八世慈率正動為荷二飛音二三謝為荷二小向飛

疏公山滋寒潔長飲數疏山脈善慈恩飛限自決脈兆觀公飲出

并航百類公由無懸數獲西短刻送元將線數公滋率家新

敬慈恩乳

題華君棣園小照

沈秉經

身不避塵囂志恰在邛壑君本業於菸復能辨百藥鍼砭不輕施
妙手抗扁鵲好與人排解亦非竟用剛但得君一語羣小不敢狂
若見有益書把卷不釋手若見有益事出貲肯倡首我今述數語
雖爲萬挂一照但寫君容我寫君之質

楊

鑑

晉甫

人相非我相今吾卽故吾恆河三百劫磨涅識君無

書卷牙籤玉樞醫方丹篆青囊水竹幽懷石橙林泉高致巖廊

江湖卅載寄閒身軒冕煙霞足等倫貨殖傳偕游俠傳無懷民與

葛天民

顯赫圖

五時前輝容閱長神靈顯貴呈等倫賞顯赫圖卷小照
 書卷不難王顯醫古典業青藥水竹幽對石辨林泉
 人林非好許今吾伯姑吾世阿三百餘觀世顯赫圖

顯

赫

圖

顯赫圖卷小照

吾良育益舊時參不驟手昔良育益事出賞育用首并今載
 雙手於顯赫圖與人持顯亦非竟用顯赫圖一語羣小不
 良不致顯赫圖志分五世遠登本業外茲顯赫圖百藥顯赫圖不辨顯

顯赫圖卷小照

顯赫圖

九成宮醴泉銘碑跋

醴泉銘搨本自北宋始至南宋碑首已裂嗣後搨者日眾又爲僞父鑿損數十字率更眞面遂不可識今則剝蝕益甚矣余生平所見無慮十數本其較著者若四明范氏錫山華氏嘉禾張氏諸藏本然皆南宋搨惟慈谿姜氏本完善如故方格闌猶約略可辨其爲北宋搨無疑壬午春婺源董君出是本求售檀蠟精良無一字殘缺其點畫格闌視姜本尤肥眞北宋初搨也因丐朱孝廉養齋雙鈎付陶子聽泉鑄成此本又假得秦王二本相校如穿作穿萍作萍龜作龜承作光魏左厶作、體右冈作冂蓋皆以南宋搨爲藍本磨滅處輒任意改之爾昔人謂取法乎上僅得乎中余之取

法視秦王為勝是刻亦較二本為優能否行世傳久余不得而知

然余竊自多矣光緒八年秋七月鎮海華慶蘭識於滬城

雙... 子... 離... 泉... 證... 知... 此... 本... 又... 知... 齊... 王... 二... 本... 賦... 楚... 賦... 齊... 魯... 齊... 魯...

... 始... 其... 書... 蘇... 蘭... 賦... 美... 本... 武... 賦... 其... 非... 宋... 賦... 其... 出... 因... 河... 宋... 奉... 兼... 養... 齊...

... 為... 非... 宋... 賦... 其... 王... 子... 春... 葵... 酒... 董... 吾... 出... 景... 本... 兼... 善... 醫... 藥... 賦... 其... 無... 一... 字...

... 本... 然... 背... 南... 宋... 賦... 其... 蘇... 微... 美... 丑... 本... 宗... 善... 賦... 其... 式... 蘇... 蘭... 離... 賦... 其... 可... 獲... 其...

... 良... 無... 賦... 十... 雙... 本... 其... 蘇... 著... 昔... 昔... 四... 賦... 其... 丑... 離... 山... 華... 丑... 慕... 禾... 通... 丑... 蕭... 蕭...

... 父... 靈... 賦... 雙... 十... 字... 率... 更... 真... 而... 殺... 不... 可... 離... 今... 賦... 離... 贈... 益... 甚... 矣... 余... 士... 平... 視...

... 額... 泉... 離... 賦... 本... 自... 非... 宋... 賦... 其... 至... 南... 宋... 離... 首... 且... 離... 對... 賦... 昔... 日... 眾... 又... 為... 創...

大... 賦... 宮... 額... 泉... 離... 賦... 題

題華君韻香重刻九成宮醴泉銘碑跋

華君韻香於晉唐碑帖夙精鑒別光緒壬午三月獲覩是本於婺源董氏董氏藏五世矣驚喜以爲得未曾有定爲北宋初拓本集同人重值購歸乞朱生養齋雙鈎付手民陶聽泉翻成覆本視原本無毫髮憾拓以問世余觀醴泉南宋諸拓端莊秀潤則有之此則骨重神寒肅穆中轉覺風韻絕人且方格紋肥及分許其中小有滂漉者僅蕤縈三字全文無一缺失并無斷文此孫退谷王虛舟兩先生目所未覩誠希世寶也韻香寒士耳徒以性之所好不惜鉅貲成此雅舉吾知是本出微特翰墨中增一佳話直駕秦氏王氏兩刻之上他日以精拓遺我乎當鑄金事之矣錢唐吳淦

又正以兩... 且以... 當... 金... 事... 矣... 矣... 矣...
 不... 賞... 此... 雖... 吾... 賦... 本... 出... 於... 詩... 簿... 墨... 中... 賦... 一... 對... 而... 履... 恭...
 祖... 雨... 夫... 主... 日... 測... 未... 踏... 焉... 奔... 世... 寶... 山... 蹟... 香... 裏... 士... 且... 其... 以... 好... 之... 視... 視...
 自... 萬... 勝... 昔... 勤... 煎... 焚... 梁... 三... 字... 全... 文... 無... 一... 始... 夫... 惟... 無... 憫... 文... 此... 冠... 級... 谷... 王...
 眼... 骨... 重... 軀... 寒... 滿... 野... 中... 轉... 設... 風... 踏... 醉... 人... 且... 式... 淋... 婦... 賦... 又... 長... 指... 其... 中... 小...
 本... 無... 寧... 變... 辭... 以... 開... 世... 余... 贈... 鄧... 泉... 南... 宋... 蕭... 雨... 離... 茲... 衣... 斷... 眼... 育... 之... 此...
 同... 人... 重... 計... 靚... 靚... 子... 未... 主... 登... 齋... 雙... 陰... 竹... 手... 且... 幽... 離... 泉... 騰... 如... 露... 本... 賦... 賦...
 駭... 董... 丑... 董... 丑... 難... 正... 世... 矣... 驚... 喜... 以... 爲... 吟... 未... 曾... 育... 家... 爲... 井... 宋... 邸... 詩... 本... 棠...
 華... 存... 贈... 香... 燭... 昏... 濕... 無... 神... 風... 許... 望... 聞... 光... 淋... 壬... 子... 三... 凡... 數... 踏... 具... 本... 外... 焚...
 韻... 華... 存... 贈... 香... 重... 岐... 此... 如... 宮... 飄... 泉... 凝... 柳... 翅...

蟾仙詩稿跋

文淙

右蟾仙詩稿若干卷蟾仙者族伯秀桂先生別篆也其詩平奇濃淡無美不臻品格當在輞川劍南之間讀之丰神駘蕩令人忘餐知於此道深矣伯自成童棄儒服賈壯歲後創業春申江上性嗜酒耽吟詠樂與文士交見有論文者輒傾聽不倦以故古今體帖體外兼工古文但不多作亦不成帙此詩蓋於春申江上與諸名士結寄社風雨聯吟數十年不輟以故集中多倡和之作想見江南爲人文淵藪滬瀆尤薈萃菁華不獨文人學士擘箋分韻各奏爾能卽市隱者流亦皆效騷人墨客之所爲抒寫性靈以暢其志趣細玩全稿有與年俱進之妙

淙

藝林初步何敢論詩第伯自己

丑旄里後諄切詔勉屢袖詩稿命讀不以後生小子為無知爰不
揣固陋為誌數語於尾

南人文章雖遠其大菁萃菁華不備文人學士望
士將寄孤風雨飄零燧十年不歸以效東中
謝水兼工古文卧不徒抄亦不如知也信蓋然春
醉如領通樂與文士交良有備文善歸則驪不
賦然地散碧尖山自如童棄壽則買銀嶽外
將無美不疑品欲當玉脚川險南之開齋之半
古饒山荷蘇苦干番饒山香然山發其主開
其信平

饒山詩話

文誌

